





訂正東醫寶鑑雜病篇卷之八

御醫忠勤貞亮扈聖功臣崇祿大夫陽平君臣許浚奉教撰

癰疽

下

腸癰腹癰

關元

穴名

屬小腸天樞

穴名

屬大腸丹田

穴

為癰也

靈樞

○腸癰為病小腹腫而強按之則痛

小便數似淋時時汗出發熱而復惡寒身反甲錯

腹皮急如腫狀甚者腹脹大轉側有水聲或遶臍

生瘡膿從瘡出或有出臍中者惟大便秘下膿血者

自愈

仲景

○溼熱鬱積腸內成癰脉遲緊者宜大

黃牡丹湯或五香連翹湯

方見上

下之脉芤澀者

四物湯方見血門

加桃仁紅花玄胡索木香脉洪

數者三仁湯小腹疼尿澀者膿滯也宜牡丹散

○腹皮急按之濡身無熱乃陰冷所成宜牡丹

散或內托十宣散加茯苓甚者敗醬散小腹痞堅

按之痛身有熱乃結熱所成宜大黃牡丹湯或桃  
仁承氣湯方見寒門黃黑散入門○腸癰冷熱證

雲母膏為丸牛膝湯吞下利去瘀膿即愈或蠟礬  
丸亦佳方見上○腹癰者生於肚腹皮裏膜外左

關脉洪數而腹痛甚者是也治法同腸癰入門

### 脉法

腸癰難知脉滑可推數而下熱腸癰何疑遲緊未  
膿下以平之洪數膿成不下為宜脉訣○跌陽脉

滑而數知當屎膿也仲景○腸癰之脉滑而數滑  
則為實數則為熱滑則為榮數則為衛衛數下降

### 大黃牡丹湯

治腸癰脉遲緊膿未成可下之大黃苳  
硝各一錢半牡丹皮桃仁瓜萋仁各二

錢半右剉作一貼水煎服有膿即下膿無膿即下  
血○一名大黃湯一方有冬苳仁無瓜萋仁神效

千金

三仁湯

治腸癰腸中疝痛縱非癰疑似間便可服薏

錢右剉作一貼水煎服入

牡丹散

治腸癰冷證腹軟而痛時下膿血牡丹皮人

川芎各一錢官桂甘艸各五分木香三分右剉作一貼水煎服入門

敗醬散

治腸癰身無熱腹濡冷薏苡仁二錢半敗醬

一錢半附子炮五分右剉作一貼水煎服小

黃黑散

治腹內癰腫大黃一兩取末四錢半破故紙

一兩取末二錢牛蒡子一兩取末一錢黑牽牛子一兩取末二錢右和勻分二貼每

腸癰治驗

一婦腹痛百方不效係兆診曰腹痛脉當沈細今反滑數此腸癰也雲母膏作丸溫

# 臂癱

酒吞下服一兩下膿血而安 綱目 ○灸腸癱法屈兩肘正肘頭銳骨端是穴灸百壯下膿血而安 千金

臂上手陽明經分生癱此得之八風之變者傷於風者上先受之宜服白芷升麻湯 入門

# 白芷升麻湯

治臂癱黃芪酒黃芩各四錢生黃芩三錢白芷一錢半升麻桔梗連翹各一錢

酒紅花甘艸各五分右剉分二貼每取一貼酒水各半煎服 東垣

# 醫癱

醫居小腹之後又在於下此陰中之陰也其道遠其位僻雖曰多血氣運不到血亦罕來中半後不可生癱纔有腫痛叅之脉證但見虛弱優與滋補氣血可保終吉若用尋常驅熱舒氣之藥虛虛之禍如指諸掌 丹心 ○醫癱初起未成膿者隔蒜灸再用蔥熨法欲作膿者內托羌活湯痛甚者仙方活命飲 二方見上 腫硬者托裏消毒飲 方見上 潰後宜加味十全湯 方見上 尻醫生癱堅硬腫痛宜內托羌活湯 方見上

湯方見上

# 懸癰

穀道前後生癰謂之懸癰此病生穀道外腎之間  
 初發如松子大甚痒漸如蓮子數十日後始覺赤  
 腫如桃子即破若破而大小便皆從中出者為難  
 治互服國老膏精要○此疾管尾常服國老膏雖  
 患亦輕雖潰亦淺誤用寒涼則不可救○初起作  
 痛尿澀者仙方活命飲方見上去大黃服之膿已  
 成者急鍼之久成漏者加味十全湯方見上蠟礬  
 丸方見上○穀道中生瘡取水中和荇葉細搗綿裹  
 納下部日三  
 即愈入門

# 國老膏

治懸癰橫紋大甘艸帶節一兩四寸切以山  
 澗長流水一椀文武火慢慢蘸水炙自早至  
 午乾則投前水再炙直待水盡看甘艸中心潤透  
 為度細剉好酒二升煎取一升空心隨量飲之三  
 日一服二三服可保無虞此藥雖不即消過二十  
 日後必盡消有人患此癰已破服兩貼瘡即合甚  
 妙精要

# 便癰

俗名便毒實血痂也一名騁馬癰此奇經衝任為病而癰見於厥陰經之分野其經多血故又名血

痂或先有疔瘡而發或卒然起核疼痛而發皆熱

鬱血聚而成初發空疎利之即散變膿後如常用

托裏內補之藥正傳○便毒處所上不在腹下不

在腿介乎兩者之中也直指○便癰生於腿腠小

腹之間或一邊腫痛或左右兩邊俱發先用五苓

散方見寒門加大黃或雙解散復元通氣散方見

氣門痛甚者仙方活命飲方見上仍戒房室行動

入門○偏癰宜蘇方散牡蠣大黃湯千金內消散

黃黑散五香連翹湯三方見上消毒飲玉燭散神

奇散○便毒取大蜘蛛一箇研細熱酒調下山居

○便毒初起射干三寸生薑如指大搗細順流水

煎服以瀉為度因用阿膠醋煮塗患處丹心○生

山藥砂糖同搗塗上即消又生薑一塊蘸米醋磨

取千步峰泥付腫處即消千步峰即人家行步地

也得效上高塊是



蘇方散

治便癰木鼈子當歸尾赤芍藥白芷川芎射干大黃金銀花穿山甲沒藥蘇木甘艸各八

分右剉作一貼酒  
水各半煎服 正傳

牡蠣大黃湯

治同上大黃牡蠣煨各二錢生甘艸一錢黃瓜萹一箇右剉作一貼水煎服 正傳

消毒飲

治偏毒三四日可消皂角刺金銀花防風當歸大黃瓜萹仁甘艸各一錢三分右剉作一

貼水酒各半煎服仍頻  
提掣頂中髮立效 丹心

玉燭散

治偏毒腫痛大黃芩硝各三錢川芎當歸赤芍藥生地黃甘艸各一錢右剉作一貼水煎

空心服  
正傳

神奇散

治便毒魚口瘡 便毒潰破者 牡蠣大黃各三錢黃連黃芩黃柏金銀花連翹各一錢半穿

山甲三片土炒木鼈子三箇去殼黃蠟三兩右剉分作二貼酒水各半煎服 同春

# 雙解散

治偏毒大黃黑丑炒頭末各一錢半官桂白芍藥澤瀉桃仁各一錢甘艸七分右剉作一

貼薑五片水煎服空心先小便快是熱從小便出也後大便利皆是稠毒得效

# 囊癰

者溼熱下注也有作膿者此濁氣順下將流入滲道因陰道或虧水道不利而然膿盡自安勿藥可

也或有因腹腫漸流入囊腫甚而囊自裂開羶丸懸掛水出以歿炭末付之外以紫蘇葉包裹仰臥

養之○癰疽入囊者曾治數人悉以溼熱入肝經處治而用補陰藥佐之雖膿潰皮脫羶丸懸掛者

皆不灰○取紫蘇葉焙乾為末付之如燥香油潤之皮脫者青荷葉包之其皮自生丹心

# 附骨疽

附骨疽與白虎飛尸歷節皆相類但歷節痛則走注不定白虎飛尸痛淺按之則便止附骨疽

痛深按之亦無益○白虎飛尸亦能作膿著骨而生及其腐潰碎骨出盡方愈然則同是一病但淺

深不同耳三四○附骨疽筋骨之內痛如錐刺外則全無赤腫突起初因露臥風冷或乘涼浴水寒

溼蘘淡初起痛不能轉寒熱無汗經久寒鬱為熱  
變而為膿膿成即用火鍼使毒不得內潰入門○  
初起宜漏蘆飲子五香連翹湯方見上陳下之次  
用內消升麻湯在尻髻宜內托羌活湯方見上在  
腿內羌活防已湯在腿外托裏黃芪湯黃連消毒  
飲方見上潰後久不愈宜蟾蜍膏赤朮丸平肌散  
入門○初起大痛而肉色不變名附骨癰三生散  
最妙兼用青皮甘艸節二味煎服綱目○附骨疽  
與緩疽石疽賊風相類宜辨而治之入門

# 緩疽石疽賊風辨

緩疽石疽皆寒氣伏於骨髓之間  
其熱緩慢積日不潰久乃紫黑皮

肉俱爛故名曰緩疽○腫與皮肉相似疼而堅硬  
如石故謂之石疽生而陸根擣爛和鹽少許塗付  
日一換即軟○賊風由風邪搏於骨髓故其痛亦  
徹骨遇寒則甚外證惡寒有汗痛處常欲熱熨失  
治則變為寧曲偏枯○緩疽石疽宜服補虛托  
裏溫熱之劑賊風宜服越婢湯疎通之劑入門

始發預防法

環跳穴痛不已防生附骨疽急用青艸  
蒼柏湯服此不愈加麻黃一錢用二三

貼又不效恐疽將成急掘地坑以火燒紅沃以小  
便令患人赤體坐其上以被圍抱下體使熱氣熏

蒸氣血暢  
而愈入門

漏蘆飲子

治附骨疽初起宜服他惡瘡初起亦可服  
大黃一錢半漏蘆白蘇黃芩麻黃枳實升

麻赤芍藥朴硝甘艸各一錢  
右剉作一貼水煎服入門

內消升麻湯

治附骨疽疎下後服此大黃升麻當歸  
黃芩赤芍藥枳實各一錢半甘艸一錢

右剉作一貼  
水煎服精義

羌活防已湯

治附骨疽發於太陽厥陰太陰分者羌  
活川芎蒼朮各一錢二分防已木香連

翹射干白芍藥木通當歸尾蘇木甘艸各

七分右剉作一貼酒水各半煎服正傳

# 托裏黃芪湯

治附骨疽發於足少陽陽明分者當歸尾一錢七分柴胡一錢半白芷一錢二分

分連翹鼠粘子肉桂黃芪各一錢黃柏升麻甘

艸各五分右剉作一貼酒水各半煎服 正傳

# 蟾蜍膏

治附骨疽久不差膿汁敗壞或骨從瘡口出大蝦蟆一枚亂髮雞子大猪脂四兩右以猪

脂煎二物令稠去滓凝如膏貼之先以桑白皮

烏豆煎湯淋洗瘡口拭乾然後卻貼之 得效

# 赤朮丸

治附骨疽久不差赤朮一斤泔浸去油用川椒蔥白同煮黑色焙乾茴香破故紙川練子

炒赤茯苓白芷桃仁各一兩右為

末蜜丸梧子大溫水下百丸 得效

# 平肌散

治附骨疽成漏久不合老狗頭骨煨露蜂房亂髮灰各二錢半新桑白皮末一錢二分半

右為末入輕粉麝香各少許溼

則乾糝乾則油調付之 直指

# 三生散

治附骨疽及瘡口久不合神驗露蜂房蛇退亂髮各等分燒存性為末每取三錢溫酒調

下空心  
保命

# 青艸蒼柏湯

治附骨疽始作宜預防青皮一錢半甘  
艸節五分蒼朮黃柏各三錢右剉作一

貼水煎和薑汁三匙空心飲之冬加

桂枝夏加條芩體虛加牛膝入門

# 流注骨疽

流者行也注者住也或結塊或慢腫皆因素  
有痰火或感風寒邪氣流行至其痰注之處

而發多生四肢或胃腹腰臀關節之處初起宜蔥

熨法方見下實者十六味流氣飲方見上兼服竹

瀝達痰丸痰方見通用榮衛返魂湯合二陳湯痰方見

令其自消自潰若潰後久不斂宜以托裏為主夏

佐以豆豉餅琥珀膏維方見膿成以火鍼破之入門

流注起於傷寒傷寒表未盡遺毒於四肢經絡澀

於所滯而後為流注也蓋流注者傷寒之餘毒骨

疽者流注之敗證也同春○痰飲流注於胃背頭

項腋脇腰腿手足聚結腫硬或痛或不痛按之無

血潮雖或有微紅亦淡薄不熱堅如石破之無膿

或有薄血或出清水或如紫汁又有壞肉如敗絮或又如瘰癧在皮肉之間如雞卵可移動軟活不硬破之亦無膿血鍼口努肉突出惟覺咽喉痰塞作寒作熱榮衛返魂湯主之醫鑑○骨疽者由瘡潰後氣血不榮骨自脫出膿水腐潰碎骨出盡方愈蓋人身有正骨附骨傅合成形附骨出則愈後如常正骨腐出則為終身廢疾隨腫硬之處潰後久不愈則必出碎骨外用附子餅灸或蔥熨法祛散寒邪補接榮氣則骨自脫瘡自斂矣入門

# 榮衛返魂湯

主一切痰飲為患專治痰腫又治癰疽發背流注腫毒赤芍藥水通自芷何首

烏枳殼茴香烏藥當歸甘艸各一錢右剉作一貼

酒水各半煎服醫林○一名追風通氣散一名通

順散又名何首烏散此方宜與十宣散相間用之

並加忍冬藤入門○凡氣血逆於肉理令壅結為

癰疽此藥大能順氣勻血自然榮衛通順不生變

證尤合內疽入門○虛加炮附子實加大黃痰盛

加南星半夏腫毒堅硬不穿加川芎麻黃蔥白全  
 蝎穿山甲流注加獨活流注者氣血凝滯加獨活  
 則可以動一身血脈血脈既動豈復有流注乎入  
 門○此藥治流注癰疽發背至於救壞病活死肌  
 痺患於味萌之前拔根於既愈之後大能順氣勻  
 血蓋氣陽也血陰也只調陽不和陰則氣耗而凝  
 肌必不活如五香連翹之類是也只和陰不調陽  
 則血旺而氣弱病必再作如內補十宣之類是也  
 此藥兼之真神  
 仙妙劑也 醫林

# 疔瘡

發於足上下名曰四淫其狀大癰不急治之百日  
 成○發於足傍名曰厲疽其狀不大初從小指發  
 急治之去其黑者不消輒益不治百日成○發於  
 足指名曰脫疽其狀赤黑者成不治不赤黑者不  
 成治之不衰急斬之否則成靈樞○膏梁之變足  
 生大丁內經○疔瘡初發突起如釘蓋故謂之疔  
 近世多見因食自死牛馬禽獸之肉而發或感襲  
 天地暴沴之氣而發或恣食辛辣厚味積毒而發



其形有十三種治法皆同初起僅一小瘡殺人於  
一二日之內比之癰疽尤毒又有紅絲疔魚臍疔  
其毒尤甚入門○疔瘡發無定處在手足  
頭面胷背骨節間最急其餘處為緩正傳

### 疔疽形證

疔疽生黃疱中或紫黑色初發必先痒後  
痛先寒後熱四肢沈重頭痛心驚眼花若

大重則嘔逆為難治三四○瘡頭黑硬如釘四畔

帶赤如火盤根突起隨變焦黑未幾腫大而光轉

為溼爛深孔透肌如大鍼穿之狀入門○外證心

驚頭痛拘急惡寒四肢痛強或寒熱交作頰舌間

赤黑點點如珠直指○或不痛痒只麻木寒熱眼

中流火牙關緊急時時驚惕甚則嘔吐諸證中嘔吐最危

以鍼刺瘡不痛無血是其候也又中

陷如釘蓋據之有根是疔也精義

### 疔疽治法

凡疔瘡毒氣攻心欲死以鍼刺瘡心若覺  
痛有血下錠子若累刺至心則皆不痛無

血者急刺百疊穴痛有血者下錠子若無血以親

人熱血代之猶活三四宜用迴瘡錠子碧霞錠子

迴瘡蟾酥錠子 精義 ○又法急以艾炷灸之鍼疔

四邊皆令血出以迴瘡錠子紙之上用膏藥貼之

因服五香連翹湯千金漏蘆湯 二方見上 疎下之

若鍼之不痛無血者以猛火燒鐵鍼通赤於瘡上

烙之令如焦炭取痛為效亦紙前鍼子經一二日

膿潰根出服托裏湯散以取平復 精義 ○治法急

用飛龍奪命丹或雄黃丸下之去其毒熱次服化

毒丸及二活散 正傳 ○實者初服賽命丹 方見上

三丸以蔥酒發表虛者服保生錠子以解毒 入門

○通治紫金錠返魂丹一捻金神效奪命丹蟾酥

丸獨蟾丸五聖湯還魂散千金消毒散選用

# 紅絲疔

疔瘡或有一條如紅線直上倉卒之際急用

鍼於紅線所至處刺出毒血然後以蟾酥乳

香等膏於正瘡內塗之鍼時以病者知痛出血為

好否則紅線入腹必致危殆 綱目 ○疔生兩足多

有紅絲至臍疔生兩手多有紅絲至心疔生面部

多有紅絲入喉者俱難治急鍼其絲出血以泄其

毒方可保  
生入門

# 魚臍疔

又有一種瘡頭黑深形如魚臍破之滲出黃水四畔浮漿謂之魚臍疔其毒尤甚絲瓜葉

連鬚蔥白韭葉各等分研搗如泥取汁以酒和服其滓貼腋下如病在左手貼左腋下在右手貼右腋下在左腳貼左勝在右腳貼右勝在身中貼心臍并以帛縛住候肉下紅絲皆白則安矣或蛇退燒灰雞子清調付內服神仙解毒丸丹心

# 脫疽疔

內經曰膏梁之變足生大疔蓋因膏梁酒色蘊積惡毒或久患消渴之餘多有此瘡靈樞

經所謂發於足傷名曰厲疽發於足指名曰脫疽其狀赤黑者久不治治不衰急斬之否則死正謂此也謂之脫疽以其指節潰爛脫去也入門○輕者色赤自潰先用隔蒜灸內服仙方活命飲方見上還魂散重者色黯不痛先用隔蒜灸更服賽命丹方見上及補藥庶可保生○甚者赤變為黑急

須在指則斬在肉則割否則黑延上足必外治  
用桐油及無名異煎一沸入川椒一勺看瘡大小  
剪蓼葉在內同煎浸七日後  
單以此葉貼瘡上即安 入門

**一方** 治疔疽危篤二服即愈輕者一服效土蜂房一  
窠蛇蛻全者一條右盛器中黃泥固濟火煨存

性為細末每一錢空心好酒調服少頃腹中大痛  
痛止而其瘡已化為黃水矣因服五聖湯 瑞竹

**疔疽成證** 疔瘡含蓄毒氣突出寸許痛痒異常一二  
日間害人甚速是尤在癰疽之上也 直指

○疔毒入心則口乾煩悶恍惚似醉嘔吐不定危  
證也萬病解毒丹 即紫金錠也 以黃連當歸煎湯

化下或賽命丹淵然真人奪命丹皆可服 入門

疔毒入心腹則煩悶嘔逆恍惚癡眠其斃可立待  
也 直指 ○疔瘡走黃過心者難治若太重則嘔逆

嘔逆者難治姑用乳粉托裏散 方見下止之三因

○疔疽出冷汗者 三因 ○人有暴死者是疔  
毒急以燈照遍身若有小瘡急灸之并服賽命丹

亦有復甦者  
入門

# 拔疔法

疔瘡有毒根在內須拔去乃可救黑牯牛牽於石上必撒糞候糞上生菌取焙乾與蒜發

艸葉等分爲末用竹筒兩頭去節套在疔上陷入

肉內以線緊縛取藥末一匙滴水和之放於筒內

少時藥漆起則疔自拔起未效則漸加度數其疔

必拔去後以金銀白芷散調之正傳○宜用週

○蒼耳莖葉燒灰醋調塗疔上乾則易不過

十度即根出和雄黃尤妙本州○蟬蛻白僵蠶爲

末醋調雷瘡口塗四圍瘵疔根出拔去綱目○蟻

娘安濃米泔小盞中以火逼之蟲熱喫泔反圍灰

取腦中自肉新瓦上焙爲末熱酒調二錢服仍以

少許塗疔上根自出資生○一云蟻娘於心腹下

度取之其肉稱白貼疔上根出即愈本神○斑貓

一枚捻破以鍼刺疔上封之根即出○取黑虱十

枚置疔上以荻箔繩作炷灸虱上即根出○白狗

尿燒存性和酒服又塗疔上根自出。○苦荬取莖中白汁塗疔上出根。○馬齒莧和梳垢爛搗茸疔上根出。  
本州

### 食疫死牛馬禽獸肉生疔

近見患疔者皆是食自死牛馬禽獸之肉而生此疾

十患十疾宜急取紫金錠半錠淡酒化下重者服一錠外用凉水磨塗疔上日夜各數次或吐或利神效。○白頸蚯蚓八九條搗爛和酒濾去滓飲之其滓塗疔四圍畱頭出毒氣。○大蜘蛛一箇放疔上自啞其毒連易三五箇其毒自敗以蜘蛛入水不傷蛛命又兼用蜈蚣法。  
方見下。○種杏

### 紫金錠

一名萬病解毒丹治癰疽發背諸腫諸癩疔瘡惡瘡一切腫毒。  
方見解毒每取半錠淡酒

化下重者一錠外以凉水調塗患處一日數次即效惟已潰出膿血者忌服。  
入門

### 返魂丹

治十三種疔瘡危惡者雄黃白礬枯各二錢朱砂膽礬各一錢半蟾酥血竭銅綠各一錢

輕粉沒藥乳香各五分麝香一字蝸牛生不拘多  
少右為末以蝸牛蟾酥研爛和丸芡實大每一丸  
令病人先嚼蔥白三寸許放在掌心將藥丸裹在  
蔥內以熱酒一盞吞下煖處臥汗出為效。內經  
日汗之則瘡已蓋此藥  
能化毒為汗也 瑞竹

### 一捻金

治疔疽即賽命丹 方見上為末每服二三  
分 溫酒調下如服賽命丹後毒未盡起再川此

藥催之服此藥後  
身涼者即入門

### 神效奪命丹

治疔瘡惡瘡及破傷風昏沈危急者朱  
砂三錢半為末輕粉血竭各二錢枯白

礬蟾酥各一錢銅綠一字蝸牛二十箇右末用初  
男乳汁和丸梧子大朱砂為末患人自嚼生蔥白  
數根吐出棗藥一丸以溫酒吞下如吐逆  
以熱酒壓下遍身汗出毒氣自消 丹心

### 蟾酥丸

治疔瘡惡瘡無名腫毒朱砂雄黃各三錢麝  
香一字右末端午日取蟾酥和丸黍米大蔥

酒下三  
丸醫鑑

### 五聖湯

服入門

治疔疽皂角刺一兩大黃金銀花甘艸各五錢黃瓜萋一箇右剉酒二升同煎至八分溫

### 還魂散

治疔瘡及癰疽能令內消去毒化為黑水從小便出萬無一失知母貝母白芨半夏天花

粉皂角刺乳香金銀花穿山甲各一錢右剉作一貼好酒一碗同煎至半椀去滓乘溫盪服將渣搗爛加芙蓉葉一兩蜜水和付瘡上如乾以蜜水潤之過一宿自消醫鑑

### 千金消毒散

治疔瘡發背一切無名惡瘡腫毒初發脉洪數弦實欲作膿者當歸金銀花各

二錢大黃芩確連翹黃芩赤芍藥各一錢皂角刺牡蠣天花粉各五分右剉作一貼酒水各半煎服同春



迴瘡錠子

治疔疽神效艸烏一兩巴豆肉七箇蟾酥

錠子先鍼瘡頭至痛見血用此錠維入以膏藥貼之重者於瘡四圍維之二三日疔根自拔出精義

○一名迴生

錠子丹心

碧霞錠子

治疔瘡及惡瘡不覺痛銅綠一兩礪砂二錢蟾酥一錢右末飯和作錠子先鍼刺疔

心出血以錠子維

之川膏貼之精義

迴瘡蟾酥錠子

治疔瘡天南星欵冬花巴豆肉黃丹砒礪各一錢獨活五分斑貓七箇右

細末用新蟾酥和勻如黍米大作錠子先以鍼刺疔頭有血出下錠子以膏藥貼之膿出自差精義

飛龍奪命丹

治疔瘡及惡瘡朱砂三錢砒礪一錢半礪砂鵬砂乳香沒藥黃丹血竭各二錢

麝香一錢二分半南星半夏各一錢斑貓十二箇去足翅巴豆十二箇去皮油右爲末蟾酥汁和丸

紅豆大五分內取一分加入斑貓四箇然後捻成  
錠子如小麥大先用鍼刺疔心下錠子用飯紙  
封口用前四分內一丸噙  
在舌上涼水送下 丹心

### 雄黃丸

治同上雄黃鬱金皂角全蝎各一錢巴豆肉  
十四箇麝香少許右末滴水為丸菉豆大茶

清下二十  
丸 正傳

### 化毒丸

治同上朱砂礪砂雄黃各一錢龍腦麝香各  
五分輕粉一字蟬蛻二十枚右為末蟾酥和

丸菉豆大每用一丸放  
於舌上取涎而愈 正傳

### 二活散

治疔瘡羌活獨活當歸烏藥赤芍藥金銀花  
天花粉連翹白芷甘艸節各二錢紅花蘇木

荆芥蟬蛻乾葛各一錢半檀香一錢  
右為末每三錢蒼耳煎湯調下 正傳

### 獨蟾丸

治疔瘡及一切惡瘡蟾酥取得丸如菉豆大  
一蟾或作一丸多者作二丸每取一丸置舌

上臥片時其苦水滿口即嚥下或鍼刺  
疔頭納一丸於中紙貼護之神效 正傳

### 保生錠子

治疔瘡蟾酥二錢雄黃二錢為末用青桑

朱砂為衣陰乾以冷蔥湯磨服八分仍用冷蔥湯

吞下外用鍼刺疔頭將錠子挿入被蓋出汗二日  
爛出即愈體虛清貴人及婦  
女胎前後毒淺者最宜入門

### 神仙解毒丸

治疔瘡魚臍瘡諸般惡瘡初發自礬不  
以多少熔化作丸如菉豆大朱砂為衣

每十丸蔥白煎湯送  
下一服立消 醫鑑

### 金銀白芷散

治疔疽金銀花二錢皂角刺一錢半黃  
芪當歸白芷甘艸各一錢檳榔川芎防

風天花粉各五分右為末分三貼每  
取一貼酒水各半煎連渣服 正傳

### 四聖旋疔散

治疔瘡生於四肢勢微者先用醋調此  
未塗疔上次服托裏之藥其疔自出巴

豆肉五分輕粉研砂白僵蠶各二錢半右為細末醋調用之精義

### 癰疽雜證

有癰疽煩渴有癰疽嘔逆有癰疽痰盛有癰疽寒熱有癰疽作痛有癰疽泄瀉

### 癰疽煩渴

熱毒方盛或發大渴此乃毒氣攻心令舌乾煩渴但用補心氣藥內補即止消子

癰疽發渴乃氣血兩虛八物湯方見虛門加黃芪

麥門冬山茱萸五味子同春○加減八味丸方見虛門治癰疽渴疾管尾通用最佳老人尤宜得效

○清臚竹葉湯竹葉黃芪湯人參黃芪湯黃芪六一湯金銀花散五味子湯忍冬

丸忍冬湯二方見下選用諸方

### 癰疽嘔逆

未潰時嘔者當作毒氣上攻治之潰後當作陰虛補之若年老人潰後嘔不能食宜

參苓白朮膏方見內傷補之河間謂瘡瘍嘔者溼

氣侵于胃也宜倍白朮丹心○癰疽及疔瘡惡瘡

毒氣攻心則多嘔逆宜乳粉托裏散生薑甘桔湯

○食不能下服藥而嘔六君子湯方見痰門加木

香縮砂 回春 ○ 或用

獨參湯 卽愈 丹心

### 癰疽痰盛

癰疽生痰有二一者胃寒二者鬱熱俱宜  
二陳湯或榮衛返魂湯 方見上 加南星半

夏 入門

○痰盛喘急六君子湯加薑棗煎服或補

中益氣湯 方見內傷

加麥門冬五味子桑白皮煎

服 回春

### 癰疽寒熱

癰疽未愈之間先嘔痰而寒熱汗出而止  
或連日或間日宜服加味不換金正氣散

得效

○癰疽虛證寒戰明乳香研細半兩每一錢

熟水調下戰發於肝乳香著肝而溫之寒戰隨止

直指

### 癰疽作痛

癰疽不可不痛亦不可大痛未潰前痛者  
為熱毒便祕者內疎黃連湯 方見上 膿脹

痛者鍼之已潰膿出而反痛者虛也 入門 ○癰疽

寒熱虛實皆能為痛若熱毒之痛以寒涼之劑折

其熱若寒邪之痛以溫熱之劑熨其寒虛而痛者  
補之實而痛者瀉之精義○濃潰之後反痛者虛

也宜補之穢氣所觸者宜和解之風冷所逼者宜  
溫散之補者當歸黃芪之類和解者乳香芍藥之

類溫散者防風桂枝之類綱目○膿血既泄腫痛  
尤甚人參黃芪湯或十全大補湯方見虛門加麥

門冬五味子同春○止痛當  
歸湯二仙散香靈散選用

### 癰疽泄瀉

煎湯調下加味不換金正氣散佐之直指

○腹痛泄瀉咳逆昏憤急用托裏溫中湯  
或用六君子湯方見痰門加炮附子同春

### 清臙竹葉湯

治癰疽煩渴竹葉升麻黃芪蜜炙瓜萸  
根麥門冬各一錢生地黃黃芩赤芍藥

人參知母白茯苓甘艸炙各七分半  
右剉作一貼入棗二枚水煎服義

### 竹葉黃芪湯

治癰疽惡瘡發渴竹葉生地黃各一錢  
半黃芪麥門冬當歸川芎黃芩赤芍藥

人參半夏石膏甘艸各七分半右  
剉作一貼入薑五片水煎服入門

### 人參黃芪湯

治癰疽潰後少食不眠煩熱黃芪蜜炙  
人參白朮各一錢升麻六分陳皮蒼朮

麥門冬當歸神麴甘艸各五分黃  
柏四分右剉作一貼水煎服入門

### 黃芪六一湯

治癰疽煩渴黃芪蜜炙六兩甘艸炙一  
兩右剉每三錢入薑三棗二煎服此藥

大治渴疾常服可免癰疽之患得效○一方黃芪  
六兩半生用半鹽水潤蒸三次粉艸一兩半生半

炙右末每二錢  
白湯點服精要

### 金銀花散

治同上金銀花四兩甘艸炒一兩右  
麤末分三貼水酒相半煎服衛生

### 五味子湯

癰疽口燥舌乾此腎水竭也此藥治之五  
味子黃芪生人參麥門冬甘艸各一錢右

作一貼水煎日  
服三五次精要

# 乳粉托裏散

治癰疽惡瘡毒氣攻心迷悶嘔吐喉舌生瘡名曰心氣絕初起宜服此藥最能

返出毒氣不致內陷菘豆粉四錢乳香一錢右為

末每二錢甘州湯調時時呷下一方新水調服入

門○一名內托散一名護心散一名內托香粉散

綱目○一方癰疽疔瘡惡瘡須服此預防毒氣攻

心菘豆粉四兩乳香一兩朱砂三錢右為末

每二錢甘州湯調下名曰乳香護心散丹心

# 生薑甘桔湯

治癰疽毒氣上衝咽隔窒塞嘔吐不已桔梗一兩甘州生薑各五錢右剉并

水煎服

直指

# 加味不換金正氣散

治癰疽寒熱往來或挾風邪或內氣虛餒蒼朮橘紅半夏麴蘗

香葉厚朴各一錢二分半甘州炙一錢白茯苓川

芎各七分半木香五分右剉作一貼入薑五棗二

水煎服

直指



止痛當歸湯

治癰疽穿潰疼痛人參黃芪當歸白芍藥生地黃官桂甘艸各一錢右麤末水

煎服日三  
精義

二仙散

治癰疽疼痛不可忍白芷朱潰用二兩貝母朱潰用五錢右剉每七錢半作一貼酒水相

半煎服  
醫鑑

香靈散

治癰疽腹痛辣桂二錢半木香白芍藥五靈脂各一錢二分半右麤末每三錢入薑棗煎

服直指

托裏溫中湯

治癰疽陽氣下陷腹痛泄瀉咳逆昏憤附子炮二錢乾薑羌活各一錢二分半

甘艸炙一錢益智丁香沈香木香茴香陳皮各五分右剉作一貼入薑五片水煎服人門

癰疽通治藥

千金漏蘆湯五香連翹湯仙方活命飲升陽益胃散千金內消散仙傳化毒湯榮衛

返魂湯紫金錠賽命丹淵然真人奪命丹飛龍奪命丹忍冬丸忍冬酒忍冬湯皆可選用諸方

### 千金漏蘆湯

治五發癰疽及疔瘡內疽一切熱毒惡腫皆治之方見上

### 五香連翹湯

癰疽瘡癤癰癰結核乳癰內疽一切惡瘡毒腫皆治之方見上

### 仙方活命飲

一切癰疽惡瘡毒腫皆治之內外諸證並治排膿止痛消毒之聖藥也方見上

### 升陽益胃散

五發癰疽及內外一切惡瘡毒腫皆治之方見上

### 千金內消散

五發癰疽及背癰內疽一切惡瘡毒腫乳癰腸癰便毒皆治之方見上

### 仙傳化毒湯

癰疽發背內疽乳癰一切無名腫毒皆治之方見上

### 榮衛返魂湯

凡氣血逆於肉理令癰結為癰疽毒腫此藥大能順氣勻血調和榮衛通治一

切諸癰方見上

紫金錠

治內外癰疽惡瘡疥瘡無名毒腫乳癰便毒方見上

賽命丹

治內外癰疽發背疔瘡乳癰魚口便毒一切無名毒腫惡瘡方見上

淵然真人奪命丹

五發癰疽發背疔瘡惡瘡無名腫毒皆治之方見上

飛龍奪命丹

治五發癰疽發背疔瘡惡瘡乳癰附骨疽一切無名腫毒方見上

忍冬丸

通治一切癰疽諸瘡消渴後發疽尤宜服此忍冬艸不以多少根莖花葉皆可用右入瓶

內好酒浸以糠火煨一宿取出晒乾入甘艸少許搗為細末以所浸酒打麪糊和丸梧子大每服百

丸酒飲任下精要

忍冬酒

治一切癰疽惡瘡背癰乳癰不問發在何處初發便當服此百發百中忍冬藤生取一把

以葉入砂盆研爛入酒少許調和塗付四圍中心畱一口又取五兩槌碎甘艸生一兩剉入砂瓶內

水二椀文武火煎至一椀人好酒一大椀煎  
數三沸分三服田父野老最宜服此丹心

### 忍冬湯

治一切癰疽內發外發乳癰腸癰常服托裏  
消毒或加黃芪當歸各二兩尤妙方與上忍

冬酒方

同入門

### 癰疽鍼法

鍼鍼者末如劍鋒以取大膿靈樞 ○夫癰氣  
之息者宜以鍼開除去之註云息與瘰同或

肉也內經

○癰疽成膿以馬喙鐵作鍼形如韭菜

兩面皆利可以橫直開裂以取膿血精要 ○癰疽

如椒眼數十粒或如蜂窠蓮房而膿出痛不除宜

以鍼鍼橫直裂之則毒血挾膿出而愈綱目 ○癰

疽住膿若不鍼烙毒氣無從而解膿瘀無從而泄

過時不鍼烙反攻其內欲望其生豈可得乎癰皮

薄惟用鍼以決其膿血不可烙也精義 ○凡近筋

脈骨節處不得亂行鍼烙 ○癰疽皮厚口小膿水

出不快者宜用鍼烙精義 ○大抵用鍼只欲引

膿出如鍼刺無膿是氣伏也不可用鍼烙涓子

# 蟻鍼法

癰瘡初發漸大以溼紙一片搭瘡上其一點先乾處即是正頂先以水洗去人皮鹹取大

筆管一箇安於正頂上卻用大水蛭一條安其中頻以冷水灌之蛭當吮其正穴膿血皮皺內自是毒散無不差如毒大蛭小須用三四條方見效若吮著正穴蛭必死用水救活累試奇效如血不止以藕節上泥塗之得效○蟻鍼一法可施於輕小證候若癰疽大毒積在藏府徒竭其血於外無益也丹心

# 癰疽烙法

或問烙法何如曰膿或汪洋欲出奈何皮厚肉深難炙者不用烙以開竅脈膿何由出○

膿本肉腐所成皆挾毒熱之氣若久留肉腠則則毒氣浸淫好肉亦化為膿腐此所以烙法有功乎潰瘍也涓子○癰疽成膿宜烙可用銀篋大二分長六寸火上燒令赤急手熨烙毒上得膿為效要○近代良醫只以金銀鐵錐其樣如鍼者以木炭熟火猛燒通赤蘸油烙之尤妙隨鍼烙出膿者

順也如膿不出實者撚髮為絛虛者以紙為絛於  
絛上蘸藥絛入鍼孔引出膿毒如腫不退疹不除  
急服排膿托裏湯藥以助其勢○膿色黃  
白即好若赤黑色防後有鮮血出精要

# 癰疽灸法

凡癰疽之發或因內有積熱或因外寒鬱內  
熱若於生發之處艾灸以散其毒治之于早

可以移深為淺改重為輕諸項灸法皆好惟騎竹

馬灸法方見鍼灸尤為切要此消患於未形之策

丹心○癰疽已覺微漫腫硬皮不變色脉沈不痛

者當外灸之引邪氣出而方止經曰陷下者灸之

如外微覺木硬而不痛者當急灸之是邪氣深陷

也淺者不可灸如有膿水亦不可灸當鍼之保命

○癰疽初覺腫痛先以溼紙覆其上視之先乾處

是頭也大蒜切片安頭上以大艾炷灸之二壯即

換一蒜痛者灸之不痛不痛者灸至痛乃止大槩

以百壯為準最要早覺早灸為上如有頭則不必

紙覆也三四○若十數頭作一處生者即用大蒜

研成膏作薄餅鋪頭上聚艾于餅上灸之三四○

初發小點一二日急以蒜片貼其中心以小艾炷

灸五壯而止直指○始發一二日十灸十活三四

日六七活五六日三四活綱目○灸法所以暢達

拔引鬱毒此從治之意也譬如盜入人家必開門

逐之使出萬一門不開無從而出必傷主乃已綱

目○頭為諸陽之會若有發空灸艾炷宜小壯數

宜少三五壯而已腹背則多灸為效精要○多灸

則內服乳粉托裏散防火氣入心丹心○有善治

癰疽者皆於瘡上灸至二三百壯無有不愈但艾

炷小作之小則人不畏灸灸多則作效必矣資生

○隔蒜灸法豆豉餅灸法桑枝灸法附子灸法疏

黃灸法土餅灸法並治癰疽惡瘡腫毒詳見鍼灸

### 艾灸治驗

一人發背醫療逾月勢益甚有張生者教以艾火灸其上至一百五十壯知痛乃止

明日鏽去黑痂膿盡潰因理管紅不復痛乃以膏藥貼之日一易易時剪去黑爛月餘乃平復本

### 灸石癰法

堅硬不潰名曰石癰當上灸百壯石子當碎出資生

### 灸發頤法

此瘡最險頭面腫大牙齒亦脫解開頭髮尋頂際中灸二十一壯如不達灸至四一

凡壯而止直指

### 灸疔疽法

大蒜爛搗成膏塗瘡四圍留瘡頂以艾炷灸之以爆為度不爆難愈灸百壯無不愈

正傳

### 灸便毒法

用細州隨患人左右手量中指自手掌盡處橫紋量起通三節至指盡則住不量爪

甲切斷卻將此艸於手腕橫紋量起引艸向臂當中艸盡處即灸如麥大灸二三壯腫散痛

止即安得效

### 調理及禁忌法

癰疽患時將理法避風邪。少睡臥。勿驚憂。勿瞋怒。徐行動。省言語。

○戒闔房。○絕思慮。○防觸穢。○聽好事。○瘡頻洗。○藥常助。○盥漱聞香。○二便順序。○擇飲食。



內充無飢飽失度。付藥運掉屈伸瘡口常加愛護。○妄用惡艸愈滋其毒。○不忌飲食反害其瘡。直指○惡肉去盡瘡口收斂欲平之際尚忌起立行步。捫待賓客酒肉宴會瞋怒沐浴勞動等事。直待瘡痂平復精神如故氣力完全方無所忌。百日內慎勿觸犯。精義○癰疽最宜節慎飲食其熱毒方盛或發大渴多飲冷水及水漿之類此乃毒氣攻心令口乾煩渴但以心氣藥內補藏府即止矣。丹心○凡癰疽勿食羊雞牛鵝魚麪煎燂炙炒法酒等味犯之必發熱蓋厚味能引起宿火之熱此誠富貴參養口腹者所宜謹守若冬寒與虛老人寧無權法乎略加滋味以補胃氣庶易收斂。丹心○膿潰之後氣血虛弱則可食羊肉鵝鶩蔓菁蘿蔔薑醬瓜芥稀粥軟飯若肌肉漸生思想滋味則宜食白熟酥餅薑粥羹湯熟軟溫和勿令大飽。精義○諸痛痒瘡瘍皆屬於心如茯苓茯神遠志益智石菖蒲等輩須當佐助於其間抑使病人不得憂恐瞋怒勞精疲神有觸於心尤關利害。直指○

背疽之人難於隱凡用菘豆十餘斗作一大袋隱伏則自然心涼身安精要○瘡瘍面赤雖伏火熱

禁不得攻裏宜發表以去之○瘡瘍鬱東垣冒俗呼昏迷慎不可下汗之則愈

### 單方

凡三十七種  
有陶潛膏

### 朱砂雄黃

古之瘍醫以五毒攻瘍中物也凡解瘡毒不可無雄黃朱砂本州○朱砂雄黃膽礬

白礬磁石置瓦盆中火煨三日夜其烟上著蓋中以雞羽掃取之以注惡瘡則惡肉附骨膿血即潰

出而愈此五毒也入門

### 伏龍肝

諸癰疽發背一切腫毒以雞子黃和塗之或醋調或大蒜同研貼之並佳本州

### 煉石

諸惡腫及發背取石子火燒赤醋淬十餘度取屑為末醋調塗之即愈此造磨礬尋常石也本州

### 甘菊

治癰毒及疔腫垂灸菊葉擣取汁飲一升神驗又取莖葉塗疔上亦效名曰陶潛膏醫鑑

野菊花

治疔瘡野菊花菘豆為末酒調飲醉睡覺痛定熱除入門

生地黄

治一切癰腫地黃搗為泥攤布上糝木香末於中再攤地黃泥貼腫上三度差本州

菟蔚莖葉

療疔瘡乳癰及諸毒腫搗取汁飲之洋外付本州

白鳳仙花

治癰疽發背取花連根葉搗爛先以米醋洗患處後付藥一日一換如神回春

薜荔

治背癰取葉爛研取汁和蜜飲數升以滓付瘡上一方細研和酒絞取汁煎數沸服之本州

黃芪

治癰疽久敗瘡排膿止痛濃煎服之東垣

忍冬藤

治一切癰疽腫毒花莖與葉生搗煖酒調服直指

蒼耳

主疔瘡取莖葉燒存性醋調塗疔上當出根加雄黃尤妙。又方蒼耳一握生薑四兩搗取汁

入酒和服治疔毒入心嘔逆者效入門

白芷 治發背乳癰能止痛生肌蝕膿  
○敗膿不去加白芷即去 丹心

茅鍼 癰毒惡瘡不作頭酒煎茅鍼取汁服  
一鍼一孔二鍼二孔必穿穴 本州

大黃 治癰疽熱毒大黃酒洗剉二錢 甘艸  
一錢煎服脈實膏梁之人宜服 綱目

茨菰 取根莖搗付腫毒癰上  
即消水煎服亦效 俗方

槐花 治百種瘡毒槐花四兩炒香入酒二  
椀煎二三沸去滓盡服即消 入門

黃桑葉 癰疽瘡口成大窟不斂經霜黃桑葉  
為末頻糝瘡中或煎湯洗之 本州

乳香 止痛長肉令諸瘡內消○凡血滯則氣壅經絡  
滿急而作痛腫乳香能破宿血消腫止痛為瘡

家奇藥  
也 入門

皂角刺 治癰疽能鑽引至痛處亦能宣毒  
燒存性為末薄酒調下一錢 綱目

**槲木皮** 煎湯洗諸敗爛瘡及乳癰諸瘡最佳 本州

**生龜** 刺取血塗癰疽腫毒即消神驗 俗方

**蜘蛛** 治懸癰取大者一箇研爛調服隨病左右側臥良 醫林

**脂麻油** 治癰疽發背毒瘡初作便服使毒氣不內攻麻油煎十餘沸候冷一斤好酒二碗和勻分

五次盪服一日夜服盡此神仙截法直指 亦解陰證沈毒 直指

**雄雀屎** 一名白丁香治癰腫已有膿未潰出以醋調雀屎如小豆大付之即穿出膿 本州

**甜瓜子** 主腹內結聚破潰膿血最為腸胃腹內癰要藥為末酒下二三錢 本州

**蜀葵花** 諸癰瘡腫痛不可忍葵花根爛搗貼之立效 綱目

**葫** 小蒜也治癰毒瘡腫叫呼不得臥取獨頭蒜細搗麻油調和厚付瘡上乾則易神效 本州

人口中唾

凡癰癤微有紅頭隱疼者急用不語津唾頻頻塗之自消飲酒了不可用

猪懸蹄

治癰疽潰爛取猪蹄濃煎取清浸洗妙直指

商陸

熨除癰腫付惡瘡。一切熱毒腫壅。陸根和少鹽搗付日一易效

芋根

癰疽發背未成膿者芋根葉熟搗付上日數易腫消即差

醋

消癰腫。歌曰發背疔瘡識者稀醋磨京墨透四圍生薑猪膽同塗上天明恰似鬼神移

赤小豆

消熱毒癰腫作末雞子清調塗之。即差亦治一切腫毒作痛

芙蓉

治發背瘡癰諸般腫毒及杖瘡芙蓉花及葉並晒乾為末醋調付杖瘡雞白清調日遵尤佳

荆芥

搗爛和醋付疔腫甚效又水煎取濃汁服之亦可

人屎

癰疽發背欲成取野人乾屎燒存性醋和如泥付腫上乾則易甚良又治疔腫封其上一日根

# 諸瘡

## 大風瘡

脉風成爲癩癩者榮衛熱腐其氣不清故使鼻柱壞而色敗皮膚瘍潰內經。大風之源有三

種五疢一種風水二種傳變三種者自不調攝。

五疢者一日皮疢麻木不仁二日肉疢割切不痛三日血疢潰爛成膿四日筋疢手足脫落五日骨疢鼻梁崩塌眼斷唇翻聲啞。又曰一風者肺受病先落眉毛二風者肝受病面起紫疱三風者腎受病腳底先穿四風者脾受病遍身如癬五風者心受病先損其目。或有墳墓居址風水不吉或父母夫妻家人逆相傳染或在外不謹糞坑房室床鋪衣被橋上樹下歇息去處命值委疢凶星遭此惡疾宜服消風散追風散磨風丸兼用洗藥敷藥儵然子。

○大風病是受得天地間殺物之風古人謂之癘風者以其酷烈暴悍可畏也得之者須

分在上在下夫在上者以醉仙散取臭涎惡血於

齒縫中出在下者以通天再造散取惡物蟲積於

穀道中出所出雖有上下之殊然皆不外乎陽明

一經蓋陽明者胃與入腸無物不受乃脾肺二藏

之府也脾主肌肉而肺主皮毛乃府及於藏病也

丹心 ○服藥下蟲積後用防風通聖散 方見風門

調之重者又與換肌散夫上下同得者甚重自非

醫者神手病者鐵心卒能免此若遇此疾切須戒

鹽及一切口味公私世務悉宜屏去 丹心 ○此疾

雖治得愈若不絕味斷慾皆不免再發而終於不

救孫真人曰嘗治四五百人終無一人免於死非

真人不能治蓋無人能守禁忌耳 丹心 ○初起自

屑紫雲如癩風然或有遍身白皮脫落如蛇蛻狀

丹效 ○起白屑者白花蛇丸眉鬚落者三蛇丹鼻

崩者換朋散補氣瀉榮湯通用凌霄花散加味苦

參丸換骨丸大麻風丸紫雲風丸返魂追命再造

散烏蛇苦參丸可選用 諸方 ○治癩以蒼耳葉為

君夏以酒煮烏蠶魚代蛇補之或缺為末糊丸梧



子大茶清下七八十丸夏入紫萍尤捷數月而安  
丹心○服藥瘳後終身不得食牛馬驢騾等肉犯

者復發必  
灰得效

### 消風散

第一日服白芷全蝎人參各一兩右為末每  
二錢勿食晚飯次日空心溫酒調下身上微

燥為效  
類聚

### 追風散

第二日服瀉血追蟲錦紋大黃六兩鬱金蟬  
肚者一兩八錢炒皂角刺一兩半右為末初

服五錢或六錢入大風油一錢半朴硝少許入內  
好溫酒一椀調化五夏空心服之直待辰時又如  
前調藥一椀入熟蜜少許勿令患人知先以水盥  
漱淨然後服藥必以蜜解口切不可臥良久痛瀉  
數次不妨以薄粥補之○此藥老弱者難治五十  
以下者可治精壯者十日內三服謂如正月初一  
日服消風散初二日服追風散初三日服磨風  
丸又如此周而復始瘦弱者十日內一服

磨風丸

第三日服日進二次當歸羌活獨活川芎天麻細辛防風荊芥威靈仙麻黃何首烏蔓荊

子牛蒡子車前子皺面艸即蒹葭也蒼耳艸各一

兩右晒乾為末酒麪糊和丸梧子大溫酒下五七

十丸日二服仍用後

藥熏洗摻付類聚

洗藥

治滿身瘡爛地骨皮荊芥苦參細辛各二兩右

效類聚

劉以河水煎用大桶盛浸浴熏洗通身出血為

敷藥

治瘡爛遍身黑狗脊即貫眾也寒水石硫黃白

猪脂調付類聚

妙類聚

浴法

治遍身癩瘡桃柳桑槐楮五般枝多水濃煎湯

盛大桶浸坐沒頸一日候湯如油安矣正傳

醉仙散

治大風癩瘡胡麻牛蒡子桐子蔓荊子各一兩同炒白蒺藜苦參瓜萸根防風各五錢

右細末每十五錢末入輕粉二錢拌勻每服一錢  
茶清調下晨午夕各一服後五七日先於牙縫內  
出臭黃涎渾身疼悶如醉然後利下膿血惡臭氣  
病根乃去矣丹心。服此藥時須斷鹽醬醋諸般  
魚肉油膩燒炙之物只吃淡粥及煮熟時菜并  
烏蛇白花蛇淡酒煮熟食之以助藥力丹心

### 通天再造散

治同上皂角刺黑大者一兩半大黃煨  
一兩白牽牛頭末三錢炒三錢生鬱金

五錢右為末每二錢或三錢早晨面東好酒調下  
當日利下惡物或膿或蟲入門。服藥後泄出蟲  
視其色如蟲黑色乃是多年赤色是為近年三四  
日後又進一服直候無蟲乃止後取防風通聖散  
方見風門加苦參天麻蟬蛻  
煎服調理痛斷滋味丹心

### 換肌散

治大風年深毛脫鼻塌深重者取效如神烏  
蛇白花蛇地龍各一兩當歸細辛白芷天麻

蔓荊子威靈仙荊芥穗甘菊苦參紫參沙參木賊  
不灰木甘州炙白蒺藜天門冬赤芍藥赤箭何首

烏石菖蒲胡麻子艸烏蒼朮木鼈子川芎各三錢  
半右為末每五錢溫酒調下酒多為妙其中紫參  
不灰木雖無不妨正傳

### 補氣瀉榮湯

治癩風先殺瘡上令惡氣消盡後服此藥連翹升麻各六分桔梗五分黃芩生

地黃各四分黃芪蘇木黃連地龍全蝎當歸各五分  
分白豆蔻人參各二分甘艸一分半胡桐淚一分  
麝香少許桃仁三箇為泥蛭蟲炒水蛭炒各三箇  
為末右剉除胡桐淚麝香蛭蟲水蛭另末外都作  
一貼水二盞酒一盞煎至一盞去滓人細  
末藥煎至七分早飯後午飯後服之東垣

### 凌霄花散

治癩風神效蟬殼地龍炒白僵蠶全蝎炒各七箇凌霄花五錢右為末每二錢熱酒

調下丹心

### 加味苦參丸

治大風瘡苦參四兩防風荆芥蒼耳子胡麻子皂角刺各二兩半蔓荊子牛蒡

子枸杞子何首烏禹餘糧蛇床子各七錢半白芷  
四錢右為皂角煎膏和丸梧子大茶清或酒下  
五十九丸  
入門

### 換骨丸

治癩風苦參浮萍各一兩半大黃槐花白芷  
川芎各一兩二錢半蒼朮一兩乳香沒藥沈

香木香各三錢麝香五分右為末以麻黃五斤煎  
膏和丸彈子大每一丸溫酒化下忌風二三日  
門入

### 大麻風丸

治大麻風初起遍身瘡點五色不知痛痒  
麻木證苦參一斤羌活獨活白芷白藜白

蒺藜天花粉何首烏各一兩三錢皂角刺當歸各  
二兩七錢右為末別用皂角一斤剉水煎五日去

滓熬膏和丸溫  
酒下百丸 入門

### 紫雲風丸

治癩初起如紫雲癩風或發紫血疱瘡何  
首烏四兩五加皮白殭蠶苦參當歸各二

兩全蝎一兩半惡實羌活獨活白芷細辛生地黃  
防已黃連赤芍藥蟬退防風荆芥蒼朮各一兩右

為末酒糊和丸梧子大溫  
酒或米飲下七十丸 入門

### 返魂追命再造散

治大風癩皂角刺一兩半大黃一兩右為末每二錢冷酒調下瀉蟲

出直指

○一方治大風勢重不可救者皂角刺一

二斤九蒸九晒研為末食上濃煎大黃湯調下一

錢一旬鬚髮再生肌膚悅潤

眼明倍常其效如神 本艸

### 烏蛇苦參丸

治癩風及惡癬苦參一斤半烏蛇肉八兩石菖蒲四兩右為末蜜丸梧子大茶

清下百

丸集成

### 愈風丹

治癩疾深重一名三蛇丹治大風髮脫眉落遍身麻木瘡爛烏蛇白花蛇土桃蛇各一條

並酒浸三日取肉為末苦參一斤剉搗取頭末四

兩皂角濃煎汁熬膏和丸梧子大以防風通聖散

煎水吞下五十

丸日二 入門

白癩瘡

癩風初起白屑剝落又一種每朝瘡上退白皮  
一升許如蛇蛻宜服解毒雄黃丸方見咽喉兼

服白花蛇丸得效

白花蛇丸

治癩風白屑瘡疥皮膚發燥白花蛇一條  
當歸二兩川芎白芷生地黃防風荊芥酒

本連翹胡麻子何首烏升麻羌活桔梗各一兩右  
為末將浸蛇酒和水煮麪糊和丸梧子大茶清下

五七十九入門

白花蛇酒法

治大風癩瘡白花蛇一條先蒸糯米二  
斗缸底先安酒麪次將蛇以絹袋盛之

頓於麪上然後以糯飯和勻頓於蛇上以紙封缸  
口候三七日開取酒將蛇去皮骨焙乾為末每溫

酒一盞調蛇末一匙服之仍以酒脚并糟  
做餅食之。烏蛇釀酒法亦同上本劑

鍼法

癩風者素刺其腫上已刺以銳鍼鍼其處按出其  
惡氣腫盡乃止常食方食無食他食靈樞○病大

風骨節重鬚眉墮名曰大風刺肌肉為故汗出百

日刺骨髓汗出百日凡二百日鬚眉生而止鍼內

經。癩風以三稜鍼看肉紫黑處及委中穴名

紫脉出死血但不可令出太過恐損真氣正傳

# 大庖瘡

一名楊梅瘡與癩大同多由肝脾腎風溼熱之毒因男女房室傳染形如楊梅焮紅溼爛痒痛

者屬心多生乳脇。形如鼓釘黃豆者屬脾多生

滿面。形如細花者屬肺多生毛髮。形如紫蒲

荷按之緊痛者屬肝腎多叢生於尻醫兩陰筋骨

之處。形如魚庖內多白水按之不緊者謂之天

庖瘡乃此類之輕者入門。初起即服防風通聖

散一貼去麻黃以去內毒再用一貼去毒發汗

以去外毒以後用加減通聖散丸多服之此方為

管尾亞藥輕者一劑重者十貼後宜服化毒散三

日御用吹藥三日瘡乾欲落欲落再服化毒散三

日後量用通聖散加減入門。失治久則風毒流

入經絡而成頑癬或氣血虛敗而成漏或誤服水

銀輕粉而成風堆腫爛流膿出汁病至於此治之



為難亦有蝕傷眼鼻腐爛玉莖拳攣肢體與癩無

異入門○初起宜服消風敗毒散加減通聖散加

減通聖丸從肚皮起者裏熱發於外速服防風通

聖散方見風門○成頑癬者宜皂根丸○成腫塊

者宜仙遺糧丸西聖復煎丸消腫遺糧湯○筋骨

痛宜香鰓湯通仙五寶丹仙遺糧湯換骨散回生

保命丹茯苓湯○成漏宜象牙丸○通治宜用活

魂丹水珠丸六六丸天庖丸三黃敗毒散取輕粉

法○外治宜洗方搽方熏鼻方吹藥方

煎藥方減癥法禁忌法鵝掌癬治方

### 加減通聖散

治楊梅瘡初起牛蒡子一錢二分防風  
白鮮皮赤芍藥連翹黃芩各一錢金銀

花五分梔子仁當歸尾各七分荆芥槐花各六分

白僵蠶甘艸各四分右剉作一貼水煎服入門

### 加減通聖丸

治同上即前方共半斤再加苦參半斤  
右為末酒糊或蜜和丸梧子大酒飲任

下七十  
丸入門

化毒散

治楊梅瘡重者生大黃一兩 解熱毒 穿山甲  
五錢 解毒 白僵蠶三錢 去風 蜈蚣一條 去蟲

當歸尾五錢 破血 右為末每

二錢溫酒調下日二服 入門

消風敗毒散

治天庖楊梅瘡初起當歸尾川芎赤芍  
藥升麻乾葛黃芩生地黃各一錢黃連

黃柏連翹防風各八分羌活金銀花甘艸各五分

蟬殼二箇初服加大黃二錢芒硝一錢半 利下惡  
物後勿

用右剉作一貼

水煎服 回春

皂根丸

治楊梅瘡成頑癬當歸二兩黃芪一兩半人  
參陳艾各一兩麻黃五錢皂角樹根皮四兩

右為末蜜丸梧子大土

茯苓湯下五十丸 入門

仙遺糧丸

治楊梅瘡後腫塊成癰土茯苓一斤防風  
木通薏苡仁防已白茯苓金銀花木瓜白

鮮皮皂角刺各五錢白芥子四錢當歸身七錢右

為末蜜丸梧子大酒飲任下五七十九丸或浸酒服

忌生冷雞猪魚煎炒等物入門

### 西聖復煎丸

治楊梅瘡後腫塊經年破而難愈百方不效用此如神乳香沒藥孩兒茶丁香

各一兩白花蛇阿魏血竭各四錢俱為末白麯炒一斤蜂蜜六兩煉香油四兩煎熟大棗二十枚去皮核右和勻擣千杵丸如彈子大每一丸土茯苓二兩水二碗煎至一碗入藥丸再煎至半去渣溫服回春

### 消腫遺糧湯

治楊梅瘡後腫塊土茯苓十五兩水通惹苾仁防風防已赤茯苓金銀花木瓜

白鮮皮皂角刺各五錢白芥子炒研四錢當歸身七錢右剉分作二十貼每一貼水煎服朝夕兩服丹心

### 香鱧湯

治楊梅瘡毒筋骨疼痛茜根麻黃烏藥細茶槐花炒川椒各五錢魚鱧三錢以脂麻同炒

成珠乳香一錢右剉分作二貼每一貼  
薑蔥各五水煎服二三貼即愈回春

### 通聖五寶丹

治楊梅天庖綿花等瘡潰爛見骨或筋  
骨疼痛或遍身疥瘡或成赤白癩鵝掌

癰或皮破肉爛口臭難當一切頑瘡惡毒並皆治  
之鍾乳粉三分丹砂二分琥珀片腦各二釐真珠  
二釐半右細末每服五釐另入飛日霜二分半炒  
過合作一貼每日取土茯苓一斤水煎取汁十梳  
以湯一碗入藥一貼攪勻晨服其茯苓湯須一日  
服盡不可別用湯水服一料即愈神驗乃治楊梅  
天下古今第一仙方也回春  
春。飛白霜疑是輕粉

### 仙遺糧湯

治楊梅風毒或誤服輕粉以致癱瘓筋骨  
疼痛毀肌傷骨者服此除根永無後患土

茯苓七錢溼者一兩防風木瓜木通薏苡仁白鮮  
皮金銀花各五分皂角刺四分右剉作一貼水煎

日三服  
入門

# 換骨散

治天庖瘡筋骨疼痛土茯苓四兩皂角刺一兩半天花粉當歸荊芥麻黃梔子連翹各一

兩乳香沒藥各一錢半右到分作十貼每取一貼水三椀煎至一椀分二次服之

醫鑑

# 回生保命丹

治楊梅天庖頑瘡及輕粉毒筋骨腫痛不拘新久皆效槐花一兩輕粉四錢二

分朱砂四錢川芎白芷雄黃各三錢當歸炒二錢

丁香血竭孩兒茶各一錢乳香沒藥各五分中黃

四分右為末棗肉入米粉打糊和丸黍米大用土

茯苓一兩牙皂半箇同煎湯吞下日三服

醫鑑

# 茯苓湯

治遠近楊梅天庖瘡毒甚至腐爛肌肉膿汁流出臭不可聞痛不可忍薏苡仁皂角刺木

瓜白芷當歸尾黃柏生地黃牛膝白芍藥防風各

一兩皂角川椒紅花各五錢甘艸節羌活各七錢

金銀花二兩土茯苓四兩右到分作

十五貼每一貼水煎服日二次

醫鑑

# 象牙丸

治楊梅瘡成漏象牙三錢鼈甲猬皮並燒各一箇右為末棗肉和丸櫻桃大每一丸空心

以童尿化下茶清亦可七日後取  
三味末猪膽汁調付瘡上入門

### 活魂丹

治楊梅天庖瘡潰爛喉穿鼻崩膿血淋漓血  
竭乳香沒藥銅綠白礬枯黃丹穿山甲煨焦

各一錢輕粉蟾酥各五分麝香一字右細末蝸牛  
研如泥和丸菜豆大每一丸重者二丸細嚼葱白

裹藥熱酒送

下空心正傳

### 水硃丸

治年久楊梅頑瘡不愈者水花硃  
一錢枯白礬朱砂各一錢半右為末用全蝎

酒煎膏和勻分作六丸分三日服以

羊肉鯉魚等湯送下九日全愈入門

### 六六丸

治天庖楊梅瘡輕粉一錢三分黃丹八分朱  
砂雄黃各五分乳香麝香各三分右為末糯

米糊和勻分作六丸每

日茶清下一丸治瘡方

### 天庖丸

治同上輕粉一錢半朱砂雄黃陳石灰各半  
錢右為末陳米飯和丸菜豆大每三丸茶清

吞下  
丸方

### 三黃敗毒散

通治天庖楊梅等瘡防風荊芥連翹白芷當歸赤芍藥黃芩黃連梔子地骨皮

五加皮白鮮皮木瓜苦參蟬退金銀花薏苡仁白  
蘆蘆皂角刺黃柏白蒺藜川芎上部倍用木通下部

甘艸各一兩土茯苓一斤半右剉分

### 取輕粉法

取出腹內輕粉之毒可免後患用開口川椒每空心以土茯苓煎湯吞下三十粒即

利輕粉於椒內從大便出洗起川椒服至椒內無輕粉乃止入門

### 仙遺糧

善治久病天庖楊梅癰漏及曾誤服輕粉肢體廢壞筋骨疼痛者能收其毒而祛其風補

其虛。右一味蜜九梧子大川椒煎湯吞下五十九丸鼻崩眉落筋緩骨拳者皆效但初起肺熱

復祕者勿服入門

一方 治楊梅天庖諸瘡香油二斤入水一盞煎至白烟起收貯每用黃酒一鍾入油一盞溫服日三

次服盡全愈。又方鴨一隻餓二日只與白水飲

之川輕粉一兩粳米飯四兩拌勻喂鴨待吃盡以

葦根棍碎泡水令鴨飲之解去輕粉

之毒待鴨毛落盡煮鴨食之種杏

### 洗藥方

治楊梅瘡爛防風蒼耳子地骨皮荆芥苦參細辛各三兩剉以河水煎盛大桶浸浴熏洗

通身出汗出血為效醫鑑。又方苦參蛇床子白

礬荆芥濃煎湯浸洗得效。又桃柳桑槐楮濃煎

湯浸浴亦

佳入門

### 搽藥方

治楊梅天庖遍身瘡爛杏仁十四枚鹹桃火

上燒半生半熟輕粉一錢片腦二釐為末猪

膽汁或香油調搽入門。又野菊花棗木根煎湯

洗後防風通聖散同蚯蚓糞為末略炒蜜調付之

極妙入門。又用干

金散麝香輕粉散



千金散

治楊梅瘡爛乳香沒藥血竭雄黃杏仁各二錢輕粉孩兒茶自礬枯各五分膽礬三分麝

香二分右為末先以猪

膽汁洗瘡後糝上

醫鑑

麝香輕粉散

治天庖瘡爛及諸惡瘡白礬乳香各一兩輕粉五錢麝香半錢右為末每取少

許糝付之  
治瘡方

熏鼻方

治楊梅天庖瘡熏鼻甚奇黑鉛水銀各一錢朱砂乳香沒藥各五分血竭雄黃沈香各三

分右為末和勻捲作紙燃七條用香油點燈放床

上令病人放兩腳包住上用單被通身蓋之口噙

凉水頻換則不損口頭初日用三條後日每用一

條熏之丹心。又方水銀自錫百艸霜各一錢先

將錫燔化入二味和勻研末捲作紙燃九條每早

午晚各一條用紙作單勿令泄氣熏鼻孔男左女

右口噙凉水溫則易之一日  
熏三次三日九次全愈

醫鑑

# 吹藥方

治楊梅天庖瘡黑鉛八分熔化入水銀一錢  
同結成餅銀珠即輕粉一錢半炒白礬雄黃

各一錢為末棗肉搗勻分作六丸每取一丸放火

籠內命病人以巾包頭口吹服看其藥丸待烟盡

即止當日早午晚各吹一丸次日早午吹二丸第

三日只早吹一丸吹後三五日或口流涎以黃連

菘豆煎湯解之又服化毒散方見上三日後

以加減通聖散丸方見上調理斲根入門

# 照藥方

服茯苓湯後次用照藥水銀黃丹炒白錫各  
一錢血竭末五錢京香三分無麝香者右為

末用熟艾鋪紙入藥在中捲作條放盞內人香油

一椀將藥條作燈心點火安木桶內四圍用單被

圍住勿泄氣眼看燈口噴凉水

熱則換水盡藥條為度醫鑑

# 滅癥法

治天庖楊梅瘡愈後癥痕紅黑用大黃白  
礬等分同研擦患處其痕即去如常回春

# 禁忌法

天庖楊梅瘡忌食牛馬狗肉雞豬魚生冷及酒  
麵茶油膩辛辣熱等物痛斲酒色鹽宜炒食回春

鵝掌癬

凡天庖楊梅瘡服輕粉愈後手掌上發癬退皮一層生生不絕名曰鵝掌癬亦曰鵝掌風宜服

蒼耳散擦玉脂膏醫鑑。一方猪前蹄爪破開入

菊花蒼耳末以線縛定煮爛食之次日用白鮮皮

皂角雄黃各五分鉛炒水銀三分為末臨臥以鵝

脂薑汁調擦次早以磁鋒磨刮去麤皮服蒼耳散

擦玉脂膏夏灸勞宮或內關穴斷根入門。又方

黃丹輕粉等分為末猪油調擦。川烏艸烏何首

烏天花粉赤芍藥防風荊芥蒼朮地丁

各一兩艾葉四兩煎水熏洗立效回春

蒼耳散

治鵝掌癬猪牙皂角土茯苓甘草各一錢蒼耳子金銀花皂角刺防風荊芥連翹各一錢

天麻前胡蛇床子各五分右剉作一

貼薑一片川椒一撮同煎服醫鑑

玉脂膏

治同上牛乳拍油無則鵝香油黃蠟各一兩

融化乃入胡粉二錢輕粉一錢半麝香五分

右為末入內攪勻抹癬上火上烘擦再烘再擦如神醫鑑

# 瘰癧

瘰癧之證內經謂之結核是也生頸前項側結核

如大豆如銀否曰瘰癧生胃脇腋下堅硬如石形

如馬刀蛤曰馬刀入門○結核連續者為瘰癧形

長如蛤者為馬刀綱目○繞項起核名曰蟠蛇癧

多生肩項或赤或白或沈或浮初生如豆久似核

年月浸久其大如梅或如雞卵排行成列或生二

三或生六七是也用性努力思慮過久則疼痛赤

腫早治為上綱目○流注癧者婦人多有之其性

急躁其氣怫鬱其心熱著初生在項破後流注四

肢遍體結毒如梅李狀不瘳自破孔竅相穿寒熱

疼痛或流膿汁是也又名千歲瘡化氣調經湯主

之綱目○瘰癧始起於少陽不守禁忌延及陽明

大抵食味之厚鬱氣之積皆此二端招引變換以

其屬膽經主決斷有相火而且氣多血少婦人見

此若月經行寒熱不作則可生稍久轉為潮熱危

矣自非斷慾絕慮食淡雖神聖不可治也丹心○

膽與肝合且主筋病則筋累累如貫珠寒熱焮痛

乃肝氣動而為病也當清肝火為王互清肝益榮

湯方見五藏柴胡清肝湯方見癰疽梔子清肝湯

入門。肝燥火動而筋攣補中勝毒餅為主多怒

火宜清肝解鬱湯方見五藏有寒熱單夏枯艸散

通用貓頭丸海藻散堅丸入門。治方大槩以地

膽斑貓為主滲泄小便以瀉心火立應散是也然

性甚峻服後量體調治實者宜熱丹虛者托裏益

氣湯方見癰疽。入門。瘰癧之毒莫不有根地

膽斑貓製度如法能使其根從小便中出或如粉

片或如塊血或如爛肉皆其驗耳但毒根之行小

便必澀當以木通滑石輩導之然是毒必從小便

出者何哉蓋諸痛痒瘡瘍皆屬於心故也直指。

通治宜化氣調經湯貓頭丸海藻散堅丸宜熱丹

三聖丸小犀角丸散腫潰堅湯內消丸號珀散蠟

礬丸天花散夏枯艸散。瀉肝膽火宜梔子清肝

湯。瀉毒宜立應散薄荷丹白蛇丹四聖散。補

虛補中勝毒餅益氣養榮湯。馬刀瘡宜連翹散

堅湯消腫湯柴

胡通經湯諸方

化氣調經湯

通治流注癰癧橘皮二兩香附子酒浸製羌活白芷各一兩牡蠣粉天花粉皂

角刺甘艸各五錢右為末每

二錢清酒調下日三綱目

梔子清肝湯

治肝膽火盛耳後頸項胷乳等處結核腫痛寒熱柴胡二錢梔子酒炒牡丹皮

各一錢三分赤茯苓川芎赤芍藥當歸牛蒡子各

一錢青皮甘艸炙各五分右剉作一貼水煎服門入

補中勝毒餅

治癰癧馬刀瘡黃芪一錢半連翹一錢防風升麻柴胡甘艸各五分當歸生地

黃熟地黃白芍藥陳皮人參各三分右為末湯浸

蒸餅調和捏作一餅子晒乾每一餅搗為末白湯

調下入門

夏枯艸散

大治癰癧散結氣有補養厥陰血脈之功夏枯艸末六錢甘艸末一錢右和勻每二

錢茶清調下。又取一兩水煎服虛者多服益善

兼服十全大補湯方見虛門加香附遠志貝母治

療癰馬刀退寒熱之聖藥也 入門

### 貓頭丸

治癰癰馬刀已破未破皆效貓頭骨一箇炙

南星白礬各一兩右為末黃蠟熔化和丸菘豆大臨臥米飲下三十丸 入門

### 海藻散堅丸

治癰癰馬刀堅硬形瘦潮熱兼治癭氣神效四錢海藻昆布艸龍膽蛤粉通艸

貝母白礬枯真松蘿各三錢半夏二錢右為末蜜丸菘豆大蔥白湯下三十丸或取末二錢溫酒調服 入門

### 宣熱丹

解癰癰風熱之毒自小便出薄荷皂角連翹何首烏蔓荊子三稜荊芥各一兩右為末熟

醋浸豆豉二兩半搗膏和丸梧子大熟水下三十丸日一服 入門

### 三聖丸

通治癰癰丁香五十粒斑貓十箇去毒炒麝香一錢右為末鹽豉五十粒湯浸研如泥和

丸菥豆大每服五七丸空心溫酒送下日進三服  
五七日外覺小便淋瀝或下如青筋膜之狀是病  
之根也  
綱目

### 小犀角丸

治諸癰應效如神常服去根黑丑半生半  
炒取頭末犀角青皮陳皮各一兩連翹五  
錢右爲末皂角二條去皮弦子湯浸絞取汁一椀  
新薄荷二斤取汁同熬膏和丸梧子大連翹薄荷  
湯吞下三十丸  
綱目

### 散腫潰堅湯

治癰癰及馬刀瘡堅而或潰或潰出膿  
水黃芩一錢酒洗半生半炒艸龍膽酒  
洗六分瓜萋根酒洗黃柏酒炒知母酒炒桔梗昆  
布海藻各七分柴胡六分炙甘草三稜酒洗蓬朮  
酒炒連翹各五分葛根白芍藥當歸稍各四分黃  
連酒洗升麻各三分右剉作一貼水浸半日煎服  
食後去枕低頭而臥含一口作十次嚥下徐徐服  
之另擣一料爲細末蜜丸菥豆大每取百丸以煎



藥湯送  
下東垣

### 內消丸

治瘰癧結核熱毒鬱滯服之內消黑丑八兩

取頭末青皮陳皮各二兩右為末以薄荷皂  
角各三兩煮爛取汁熬膏和丸菉豆大  
以荊芥茶清吞下三十丸食後服精義

### 琥珀散

治瘰癧結核內消神效白丑頭末滑石白僵  
蠶黃芩各一兩木通連翹各七錢枳殼赤芍

藥柴胡各五分斑猫三錢去翅足炒甘艸三  
錢琥珀二錢右剉分作六貼水煎服同春

### 天花散

治瘰癧潰爛疼痛金銀花二錢赤芍藥一錢  
七分天花粉一錢五分穿山甲一錢二分白

芷當歸各一錢貝母七分沒藥五分乳  
香二分右剉作一貼酒水煎服醫鑑

### 立應散

治瘰癧馬刀瘡連翹赤芍藥川芎當歸滑石  
甘艸各五錢黃芩斑猫去毒炒各三錢白丑

頭末生土蜂房蜜水洗飯上蒸晒乾各二錢半川  
烏尖七箇右為末每一錢濃煎木通湯調下臨臥

服毒從小便出如粉片血塊是也未效再服斑猫  
性毒濟以烏尖或衝上麻悶嚼葱白茶清下以解  
之如尿澀益元散或五苓散燈心煎湯調  
下宜毒後繼服薄荷丹解其風熱入門

### 薄荷丹

解癰癰毒服藥從小便出後常服此薄荷皂  
角連翹何首烏蔓荊子三稜荊芥各一兩右  
為末鼓二兩半以熱醋淹鼓令軟研為  
糊和丸梧子大熟水下直指二十九

### 白蛇散

治癰癰馬刀九癭寒熱作痛白花蛇肉二兩  
青皮黑丑頭末半生半炒各五錢犀角二錢  
半右為末每一錢入輕粉五分研勻五更以糯米  
飲調下巳時利下惡物乃病根也十日後再服後  
用四聖散補之  
永斲根入門

### 四聖散

治癰癰用白蛇散取轉後用此補之海藻石  
決明煨羌活瞿麥各一兩右為末每二錢米

飲調下日三服下  
清水盡為妙得效

蠟礬丸

治瘰癧馬刀惡瘡衛護內膜驅解諸毒自然內消神妙方見離疽

益氣養榮湯

治懷抱抑鬱瘰癧流注日晡發熱或潰而不斂黃芪一錢半人參白朮各一錢

當歸酒洗川芎白芍藥酒炒生地黃陳皮香附子貝母各七分柴胡桔梗地骨皮甘艸炙各五分右

剉作一貼水煎服日一次醫鑑

連翹散堅湯

治馬刀瘰癧流注遍體作核作瘡柴胡一錢半艸龍膽酒炒四次土瓜根酒炒

各一錢二分黃芩酒炒三次一錢當歸梢生黃芩蓬朮酒炒三稜酒炒連翹白芍藥酒炒各七分炙

甘艸五分黃連酒炒蒼朮各四分右剉作一貼水浸半日乃煎去枕仰臥一日作十次嚥之雷一日

送下丸藥另取一劑為細末蜜丸菉豆大每百丸以煎藥水送下更以龍泉散塗之正傳

消腫湯

治馬刀瘡連翹二錢生黃芩柴胡各一錢二分天花粉黃芪各一錢當歸梢甘艸各七分

鼠粘子黃連各五分紅花二分  
分右剉作一貼水煎服正傳

### 柴胡通經湯

治少陽經分項側有核堅而不潰名曰

馬刀瘡桔梗二錢柴胡連翹當歸尾黃  
芩黃連並酒炒鼠粘子三稜甘艸生各一

錢紅花一分右剉作一貼水煎服

回春

### 一方

治療癰烏雞卵一枚穿頂納斑貓一箇紙封其  
竅蒸熟去貓日一服煎五積散方見寒門送下

四五枚即  
效入門

### 外治法

凡瘰癧馬刀荏苒日久內必成膿若腫高消軟  
其人面色萎黃皮膚壯熱上蒸膿已成也可以

鍼沃核中用追毒蝕肉錠子維之用膏貼之

精義

○治法以火鍼刺入核中納蟾酥膏于中外用綠  
雲膏貼之三日後取去核中稠膿膿盡取去核外  
薄膜先破初起之核一枚以繩其源服藥則後出  
者皆愈或不能收如銀杏者盡皆開了用藥取之  
其自潰者猶如木果之腐熟肉雖潰而核猶存故

膿水淋漓久難得愈治法用鐵烙燒赤烙去其破核猶存者併肉潰處次用金寶膏追去蠹惡之根

遂能長肉

而愈 正傳

### 蟾酥膏

蟾酥如大豆許白丁香十五枚巴豆肉五粒寒水石寒食麪各少許右各另研合和再研

蜜丸棗豆大每一丸或二丸三丸納入鍼竅

中如膿未盡再納數丸以膿盡為度 正傳

### 綠雲膏

黃連大黃黃芩玄參黃柏木鱉子肉各一錢右剉香油一兩同煎焦色去滓入松脂五兩

再煎成膏濾入水中扯拔如金色再熬放溫入猪

膽三箇汁銅綠醋浸一宿去滓三錢攪勻如常攤

貼如瘡口不乾加乳香

沒藥輕粉尤妙 正傳

### 金寶膏

去腐肉惡肉不傷良肉桑柴灰五碗以沸湯十碗淋濾取汁穿山甲煨胖二兩信砒一錢

杏仁七枚三味同研細生地黃二兩朱砂一錢輕

粉麝香各半錢右將灰汁下鍋煎濃下甲末等及

地黃汁候焦乾下麝香次下輕粉次下朱砂候將成膏下炒石灰末一兩以成塊子收入罐內勿見風每取付核上再付即去舊藥併屬即效正傳

### 禁忌法

人有此患不惟懲忿窒慾其於飲食百味一切直指戒之○切忌毒藥點蝕及妄用鍼刀割破

必戒資生

### 糝貼藥

凡瘰癧馬刀惡瘡宜用蠶蠶散猫蝠散代灸散龍泉散蝸牛散燒灰散生權散選用○初起未

破十香膏琥珀膏二方見雜方常貼之可自消精

義○治瘰癧神效方白膠香海蝶蛸降真香等分

為末糝患處外以木紙掩之一夕而退○又方未

破者蜜蜂二十一箇蛇蛻七分半蜈蚣二條端午

前收者右用香油四兩同熬成入光粉二兩以桑

枝七條急攪候冷出火氣七日收貯每用攤紙上

貼患處○此二方不須服藥

只貼上五七日可便消綱目

蠶蠶散

治瘰癧蠶蠶三箇白朮砒礪各一錢右並火煨為末糝爛肉上三日其核即下入門

猫蝠散

治瘰癧多年不愈神效猫頭骨一箇蝙蝠一箇右二味俱撒黑豆上同燒存性研為末乾

糝入門

代灸散

治瘰癧潰爛臭不可聞鉛粉雄黃各一錢輕粉五分麝香二分右為末用槐皮一片將鐵

密密刺孔置瘡上上糝藥一撮以炭火炙熱其藥氣自然透入瘡中痛熱為止二三次全愈醫鑑

龍泉散

治瘰癧鉛粉龍泉粉炒即磨刀礪上粉也昆布蓬朮三稜各五錢三味酒浸炒乾右極細

末熱水調塗瘡上即效。瘰癧先出一箇用四楞鐵環定住不令出移破作口了以油紙懸維之勿

令合了以絕其瘡源其效至速如瘡不破或病人不胃破龍泉散塗之三日一易綱目

蝸牛散

治瘰癧潰與味潰皆可蝸牛不拘多少以竹簽貫穿瓦上晒乾燒存性為末入輕粉少許

取猪骨髓調勻攤紙花貼瘡上 三四  
方蝸牛肉七箇丁香七粒用如上法 得效

### 燒灰散

治同上大田螺并殼肉燒存性為末破者乾糝未破者油調付 得效

### 生穰散

治同上生穰一箇取四足臍尾背并兩耳右燒存性為末調先洗瘡後塗之立效 類聚

### 洗傳方

治瘰癧白芷荊芥煎湯溫洗拭乾貼膏藥膿汁出盡後半夏南星血竭各一錢輕粉少許

為末睡調 傳得效

### 難治可治證

帝曰寒熱瘰癧生於頸腋者何氣使然岐伯曰此皆鼠瘻寒熱之毒氣留於脉

而不去者也帝曰決死生奈何岐伯曰反其目視之其中有赤脉上下貫瞳子見一脉一歲死見一脉半一歲半死見二脉二歲死見二脉半二歲半死見三脉三歲而死見赤脉不下貫瞳子者可治也 靈樞 婦人患瘰癧經調及經閉無潮熱者可治經閉有潮熱或咳者死 玉燭散 方見胞門 治瘰



# 灸法

癰通經日服一貼七八日自消。男子患癰癰有潮熱有咳乃癰癰傷證之標也。故勞瘵類有日腹中有塊頸上有核最為難治。入門。○瘰癧

延及胃中中府雲門肺經部分者。死。得效。

治瘰癧以手仰置肩上微舉肘取之肘骨尖上是

穴隨患邊灸七壯或二七壯神效。得效。○又法於

掌後手腕盡處橫紋量起向臂中心直上三寸半

是穴灸三壯即效。丹心。○祕法肩尖肘尖二穴即

肩髃肘髃二穴宜灸此穴疎通經絡。良方。○

癰核上每灸七壯隔蒜片灸之尤效。資生。

獨形而小核者為結核。細目。○結核者火氣熱甚

則鬱結堅硬如果中核也不須潰破但熱氣散則

自消。河間。○結核在一身如腫毒者在皮裏膜外

多是溼痰流注作核不散問其平日好食何物吐

下後用藥散核。丹心。○痰癰推動滑軟。入門。○結

核在頸項二陳湯。方見痰門。加酒炒大黃桔棧柴

胡連翹煎服。○結核在臂二陳湯加連翹防風川

芎酒芩蒼朮皂角刺白僵蠶煎水入麝香少許服

# 結核

行太陰厥陰之積痰則自消丹心 ○ 遍身有核多

是痰注宜加味小胃丹竹瀝達痰丸 三方見痰門

通用海帶丸含化丹 入門 ○ 結核宜用消風化

痰湯開氣消痰湯內托白薇散消解散消核丸

### 海帶丸

治痰核癭氣久不消海帶青皮目母陳皮各  
等分右為末蜜丸彈子大食後噙化一丸

### 含化丹

治耳項結核酒蒸大黃白僵蠶青黛牛膽南  
星各等分右為末蜜丸彈子大食後噙化一

丸 入門

### 消風化痰湯

治結核因風痰鬱結白附子木通各一  
錢南星半夏赤芍藥連翹天麻白僵蠶

蒼耳子金銀花天門冬桔梗各七分白芷防風羌

活皂角各五分全蝎陳皮各四分甘艸二分右剉

作一貼薑五片

水煎服 同春

### 開氣消痰湯

治胃中胃脘至咽門窄狹如線疼痛及  
手足俱有核如胡桃者桔梗優香附白

僵蠶各一錢陳皮片芩枳殼各七分檳榔前胡半  
夏枳實羌活荆芥射干威靈仙各五分甘艸四分  
木香三分右剉作一貼  
入薑三片水煎服 醫鑑

### 內托白藪散

治腋下痰核因酒怒氣發腫痛潰膿久  
不差赤芍藥當歸連翹各一錢白芷白

藪片芩酒炒瓜蒞仁各八分川芎天花粉乳香各  
七分防風桔梗柴胡各五分白蒺藜生甘艸各四  
分右剉作一貼  
水煎服 回春

### 消解散

治咽喉結核腫痛頸項不得回轉兩腋下或  
有塊如石硬南星半夏各一錢陳皮枳實桔

梗柴胡前胡黃連連翹赤芍藥防風獨活白附子  
蘇子蓬朮蔓荊子木通甘艸各五分右剉作一貼  
薑三片燈心一  
團同煎服 回春

### 消核丸

治頸項耳後結核三五歲成簇不紅不腫不  
作膿者橘紅鹽水拌焙赤茯苓大黃酒煨連

翹各一兩片芩酒炒梔子炒各八錢半夏麩玄參酒拌牡蠣煨童便泮另研天花粉瓜萸仁桔梗各七錢白僵蠶炒六錢生甘州節四錢右為末湯浸蒸餅和丸棗豆大白湯下八九十九丸同春

### 又方

治項後少陽經中疔瘡結核或赤硬腫痛生山藥一塊去皮苳麻子三箇去皮右研勻攤貼如神海藏○治頸上塊動夏枯艸末六錢甘艸末一錢右和勻每服一錢至二錢茶清調下丹心○又

方治痰核疔瘡落商陸根生南星合搗爛塗之立消種杏○又方南星艸烏等分為末薑汁調塗立消同春○又大蜘蛛研爛好酒

浸去滓臨臥溫服甚效綱目

### 癭瘤

人身氣血凝滯結為癭瘤癭則憂恚所生多著於肩項瘤則隨氣凝結此等皆年數深遠浸大浸長堅硬不可移者名曰石癭肉色不變名曰肉癭筋脉露結名曰筋癭赤脉交結名曰血癭隨憂愁消長名曰氣癭五癭皆不可決破決破則膿血崩潰多致夭枉三四○癭亦氣血凝滯結聚而成初作

梅李皮嫩而光漸如盃卵瘤名有六骨瘤肉瘤膿  
瘰血瘰石瘰脂瘰亦不可決潰肉瘰尤不可破破  
則殺人惟脂瘰決去其脂則愈三四○瘰瘰總皆  
氣血凝滯結成惟憂患耗傷心肺故瘰多著頸項  
及肩也勞慾邪氣乘經之虛而住故瘰隨處有之  
入門○通治瘰瘰蠟礬丸久服則自然消縮最妙  
方見二癰疽○直指○五瘰六瘰或軟或硬無痛無

痒宜破結散人參化瘰丹海帶丸方見上砒掌散

神效開結散治脂瘰方枯瘰方化瘰膏南星膏諸

方○服治瘰瘰藥先須斷厚味丹心○凡瘰瘰疣

贅等至羊衰皆自內潰理於羊壯可無後憂也精

義○瘰瘰初起通用十六味流氣飲方見癰疽單

蜘蛛方久服蠟礬丸

外付南星膏入門

# 破結散

治五瘰及瘰即上海藻散堅丸也消生○有

方去松蘿代真桑寄生一倍服

三五日其瘰自消散而愈正傳

# 人參化癭丹

治癭瘤海帶海藻蛤粉昆布上四味皆焙澤瀉炒連翹各一兩猪鬃羊鬃即猪

腎乃囊中各十枚切片焙乾右為末蜜丸芡實大

食後噙化一丸日三細目

# 舐掌散

治癭海藻黃連各一兩右為末取少許置掌中時時舐之津液嚥下如消三分之二止藥

正傳 ○一方海藻海帶昆布蓬朮青鹽等分為末蜜丸彈子大噙化嚥下日三丹心

# 神效開結散

治癭瘤皆效沈香二錢木香二錢陳皮四錢真珠四十九粒火煨猪厭肉子生

項下喉龍系一枚如 每二錢臥時冷酒調和徐徐嚥下輕者三五服效

重者一料全愈入門

# 治脂瘤方

一種脂瘤粉紅色全是痰結用鍼決去脂粉則愈或有如茄垂下根甚小者用藥點

其蒂蕪茄落卽用生肌膏貼之防其出血入門

### 枯癩方

砒礞礞砂黃丹雄黃輕粉各一錢斑猫生三十箇朱砂乳香沒藥各一錢右為末糯米粥

和丸捏作碁子樣暴乾先灸三壯於癩頂以藥餅蓋上以黃柏末水調貼之數日自然枯落綱目

### 化癩膏

治肉中腫起生癩漸大白蘇一兩大黃川芎赤芍藥黃芩黃連當歸白礬各五錢吳茱萸

二錢半右為末雞子黃調勻攤帛貼之類聚

### 南星膏

治癩癭生天南星大者一箇細研滴醋三五點為膏先將鍼刺癩上卻以藥攤紙上貼之

頻貼取效如無生者乾者為末醋調用之得效  
又方南星艸烏為末薑汁調付之亦佳醫鑑

### 又方

治氣癭鍼砂浸水缸中平日飲食皆用此水十日一換鍼砂服半年自消直指  
○凡海中菜皆

療癭癭結氣海藻一斤洗去鹹酒三升漬數日稍飲之○海藻昆布等分為末蜜丸常含化嚥汁

本州 ○夏枯艸散癭結氣水煎頻服即愈 本州

松蘿治癭癰水煮服之 本州 ○治癭瘤大蜘蛛一

箇搗酒頓服入門 ○羊靨鹿靨

酒漬炙含嚙汁七日差 本州

### 灸法

治癭灸天突三七壯又灸肩髃男左十八壯  
右十七壯女右十八壯左十七壯妙得效

### 瘡癭

瘡癭者諸瘡之潰漏也狼瘡鼠瘡蝮蛇瘡蜂瘡蟻瘡  
瘡疥瘡浮疽瘡癩瘡癰瘡轉筋瘡是為九瘡其證

穿孔一淡膿汁不盡風冷併入涓涓而成漏矣 直

指 ○漏喜發於項腋及陰僻肛門之間療治失節

即生寒熱凡癰疽諸發苟有宿膿朽骨停蓄其間

皆為之漏 直指 ○內經曰陷脈為瘡雷連肉腠者

是也可用附子灸法蒜餅灸法 方見鍼灸 灸之

瘡口維翠霞散或翠霞錠子維之外點膏藥 精義

○治法溫散風冷為急宜溫解散內塞散 ○收水

次之宜牽牛酒 ○生肌又次之宜龍骨牡蠣人齒

犬牙加血弱乳麝髮灰內外相維生肌必矣或平

肌散 方見癰疽 人牙散蜂房散選用 ○通治宜加



味蠟礬丸內生肌丸乳麝雲母膏溫經丸。○外治  
空菝瘡散雄黃膏黑靈散。○熏方洗方取久漏中

朽骨方治心漏方

取漏蟲法禁忌法

### 溫解散

治漏瘡散風冷蒼朮厚朴陳皮藿香半夏麴  
川芎白芷細辛各一錢官桂白薑甘艸炙各

七分右剉作一貼入薑

三棗二水煎服得效

### 內塞散

治疔瘻瘡久不差人參黃芪當歸白茯苓防  
風白芷桔梗川芎遠志厚朴官桂赤小豆甘

艸炙各五錢附子炮一箇右為

末每取二錢溫酒調下精義

### 牽牛酒

引漏瘡中惡水自大腸出黑牽牛頭末二錢  
入猪腰子內以線扎縛溼紙包慢火煨熟空

心細嚼溫酒送下入門。一名猪腎酒夫水屬腎

也腎虛水溢則滲漉於漏瘡行腎之水無如黑牽

牛取細末入猪腎服之則借腎人腎兩

得其便惡水既泄則不復淋漓矣直指

# 人牙散

治漏瘡惡瘡能生肌人牙煨油髮灰雄雞內  
金各等分右為末入麝香輕粉各少許和勻

溼則乾 乾則油 調付之  
直指 ○ 一名齒髮散 入門

# 蜂房散

治久年漏瘡露蜂房炙黃七錢半穿山甲焦  
龍骨各二錢半麝香少許右為末臘猪脂調

付之 入門

# 加味蠟礬丸

治久新諸漏象牙五錢露蜂房白僵蠶  
蛇退燒血竭木香各三錢乳香二錢白

礬二兩右為末黃蠟四兩熔化和勻衆  
手作丸梧子大溫酒下三三十九 入門

# 内生肌丸

治漏瘡枯白礬鹿角屑脂麻各一兩為末  
蜜丸梧子大溫酒下三十九竅塞後去鹿

角加象牙一兩黃蠟  
和丸常服斷根 入門

# 乳麝雲母膏

治漏瘡穿山甲一百斤蚌粉同炒候焦  
起泡去粉取甲為末四兩入乳香末一

錢麝香末半錢夾和雲母膏十五貼  
和丸 梧子大溫酒下三十丸 直指

### 溫經丸

治陷脉久癭附子二兩醋浸炮七次去皮臍  
厚朴官桂白朮乾薑木香甘艸炙各一兩右

爲末蜜丸梧子大米  
飲下三五丸 精義

### 截疔散

治年深疔癭瘡白斂白芨黃丹蜜陀僧各二  
錢黃連一錢龍腦麝香輕粉各二分右爲末

乾糝或紙  
之東垣

### 雄黃膏

治久年冷癭油髮灰黃蠟各五錢雄黃末硫  
黃末各二錢半香油二兩右和勻熔化候成

膏貼之  
直指

### 黑靈散

通治漏癭露蜂房五錢牡蠣粉黃丹硫黃研  
各一錢半右同炒烟盡爲末入油髮灰二錢

半麝香少許右  
和勻糝付 直指

### 翠霞散

治漏瘡惡瘡去毒生肌滑石五錢銅綠二錢半輕粉一錢龍腦麝香粉霜各二分半右為

末醮維瘡口上以膏貼之精義

### 翠霞錠子

治久冷漏瘡內有灰肉銅綠寒水石煨滑石各三錢白礬輕粉砒礪雲母石各一錢

一分半右極細末合糊為錠子如麻黃精義

### 熏漏瘡方

艾葉五倍子白膠香苦棟根右等分剉如燒香法置長桶內坐其上熏之入門

### 洗漏瘡方

凡漏瘡孔中多有穢惡常須避風洗淨白芷露蜂房或大腹皮苦參煎湯熏洗拭乾

取東向石榴根皮為末乾糝以殺淫得效蟲入門。凡諸瘡切忌生水洗

### 取久漏中朽骨方

久疽及痔漏中有朽骨宜取去之烏骨雞脛骨砒礪實之鹽泥固濟

火煨通紅取出去泥研為末飯丸粟米大以紙撚送入竅內外用膏藥封之其骨自出丹心

# 治心漏方

曾前有乳常出血水謂之心漏此病醫書少載人多不知鹿茸酥炙附子炮鹽花各

等分右為末棗肉和丸梧子  
大空心溫酒下三十丸

# 取漏蟲法

取活鱗魚數條令盤屈以竹簽串定香油塗上下覆瘡上以布中繫定良久覺痒痛

不可忍取鱗入水中有蟲如線出焉未盡再覆蟲盡後以艾湯入白礬洗淨黃連檳榔末摻付治廉

瘡亦妙  
入門

# 禁忌法

凡漏切忌七情房勞尤戒怒氣不然則核則大漏則水多  
直指

# 單方

凡八種有  
烏金散

# 橡斗子

治漏瘡疔癩瘡取十二箇一實黃丹一實白礬兩藥相合定麻皮纏了燒存性研細入麝

香少許洗淨糝之名曰烏金散  
濟生

瘰癧蟲

已下至蛇膽治皆同上剪去兩頭安瘡口上以艾炷灸之七壯一易不過七枚無不效瘰癧

麋鼠

燒取膏塗之最妙本州

鰻鱺魚

取膏塗之并食其肉甚效本州

鯉魚腸

火灸封瘡口半日許覺痒開看蟲出差本州

松脂

煉填瘡口令滿日三易即效本州

蝮蛇膽

取汁塗之本州

熟犬肉

肛漏多孔蘸藍汁食之七日差得效

灸法

入漏瘡足內踝上一寸灸三壯在上則灸肩井鳩尾東垣○冷漏多在腿足之間先雖積熱所注久

則為寒宜用附子灸法硫黃灸法一法並見瘰癧久瘡成漏膿水不絕者亦宜灸丹心

# 疥癬

疥瘡有五一日乾疥皮枯屑起宜吳茱萸散○二

日溼疥疥癩腫作痛流汁淋漓宜一上散○三日砂

疥細如砂子或痛或痒宜剪艸散○四日蟲疥痒

不知痛易於傳染宜硫黃餅○五日膿疥含漿稠

膿色厚焮痛宜三黃散○癬瘡亦有五一曰溼癬

狀如蟲行搔之汁出○二曰頑癬全然不知痛痒

○三曰風癬又名乾癬搔生白屑○四曰馬癬微

痒白點相連○五日牛癬如牛領皮厚且堅○疥

癬皆血分熬燥以致風毒剋於皮膚浮淺者為疥

深沈者為癬疥多挾熱癬多挾溼疥狀如被介甲

癬狀如走苔藓大槩相同入門○治疥宜升麻和

氣飲一掃散神異膏如聖散油調立效散○治癬

宜麻豆膏蝎猫膏胡粉散連粉散○通治疥癬宜

一上散祕傳一擦光當歸飲子何晉烏散無萸散

浮萍散諸方○凡疥痛甚加寒水石痒加黑狗春

微痒加蛇床子有蟲加雄黃喜溫熱加硫黃丹心

## 吳茱萸散

治乾疥及春月發者以此開鬱蛇床子三錢寒水石二錢半白礬吳茱萸各二錢黃

柏大黃硫黃輕粉各一錢樟腦半錢  
檳榔一箇右為末香油調付 入門

### 一上散

治疥癬痛痒蛇床子炒黑狗脊 卽貫眾 白膠  
香寒水石各一兩枯白礬黃連各五錢雄黃

三錢半硫黃吳茱萸各三錢斑猫十四箇去翅足

右為末臘猪脂或香油調先以蒼耳煎湯洗去痂

後掌中擦藥令熱鼻中嗅二三

次卻擦瘡上一擦卽愈 丹心

### 剪艸散

治砂疥蛇床子三錢寒水石蕪荑各二錢剪  
刀艸枯白礬吳茱萸黃柏各一錢蒼朮厚朴

雄黃各五分輕粉一錢

右為末香油調付 入門

### 硫黃餅

治蟲疥及喜湯火灸熨者礬製硫黃一兩為  
末用水調成餅貼磁椀底覆轉用熟艾一兩

川椒三錢為末火燃熏乾硫黃臨用先以藥

湯水洗拭後用麻油調硫黃末擦之 入門

### 三黃散

治膿疱疥瘡治熱為主黃芩黃連大黃各三  
錢蛇床子寒水石各二錢白礬一錢黃丹五



分輕粉無名異白芷木香各二分右為末香油調付

入門

### 升麻和氣飲

治疥瘡痛痒乾葛二錢陳皮甘艸各一錢半升麻蒼朮桔梗各一錢赤芍藥七

分半大黃五分半夏當歸茯苓白芷各三分乾薑枳殼各二分右剉作一貼入薑五片燈心十五莖

水煎服

### 一掃散

治一切瘡疥藜蘆皮三錢蚌粉鉛粉各一錢半雄黃七分輕粉一錢右為末用大鱗魚

一箇入香油煎候熟去

魚攤冷調藥擦瘡

得效

### 神異膏

治同上全蝎七箇皂角二錢巴豆去皮七箇蛇床子末三錢雄黃另研三錢輕粉一字清

油一兩黃蠟半兩右先用全蝎皂角巴豆入油煎

變色去三味入蠟融化放冷入雄黃蛇床輕粉和

勻成膏先以藥水洗瘡拭乾

後乃上藥擦之神效

得效

**如聖散** 治肺藏風變生瘡疥浸展胡粉一兩黃連七錢半蛇床子五錢水銀二錢半右為末生麻

油調塗  
司方

**油調立效散** 治溼疥浸淫久不差輕粉綠礬黃柏硫黃各等分右為末生麻油調洗瘡後塗

擦  
司方

**麻豆膏** 通治諸癬麻油二兩入巴豆肉葶麻子肉各十四粒斑猫七粒熬煎至枯黑色去滓卻入

白蠟五錢蘆薈末三錢攪勻成膏塗擦之入門○

遍身生癬獨莖羊蹄根另搗白礬末以米醋調成膏塗擦之加輕粉

黃丹尤效丹心

**蝎猫膏** 治牛皮癬全蝎蕩猫各十枚巴豆肉二十枚香油一兩右同熬候色焦者先去之去盡三

物了乃入黃蠟一錢候熔收貯朝擦暮愈不損皮肉細目○一方治遍身牛皮癬川烏艸烏何首烏

白芷蘇木各等分右麤剉入臘豬脂同熬至白芷  
焦色去滓候冷入鹽少許常挑一匙空心酒調下  
得效

### 胡粉散

治癬神效胡粉硫黃雄黃各二錢半砒礪一  
錢二分半大艸烏生一箇斑貓一箇蝎梢七

枚麝香少許右為末先以羊蹄根蘸  
醋擦動患處次用藥少許擦之得效

### 連粉散

治風癬溼瘡黃連胡粉黃柏黃丹枯白礬各  
五錢輕粉龍骨爐甘石各五分右為末乾糝

或油調  
塗丹心

### 祕傳一擦光

治疥癬及諸般惡瘡神效白礬枯六錢  
蛇床子苦參蕪荑各五錢雄黃硫黃川

椒大風子肉各一錢半輕粉樟腦  
各一錢右為末生豬脂調付正傳

### 當歸飲子

治遍身疥癬腫痒流膿當歸赤芍藥川芎  
生地黃防風荆芥白蒺藜各一錢二分同

首烏黃芪甘艸各七分右剉作一貼入薑三片水煎服入門

### 何首烏散

治遍身疥癬瘙痒荆芥穗威靈仙蔓荊子何首烏防風甘艸各等分

右為末每取二錢

溫酒調下丹心

### 蕪荑散

治疥無問新久亦治癬白蕪荑一兩檳榔吳茱萸各五錢硫黃二錢右為末猪脂或香油

調擦之本事

### 浮萍散

治諸疥癬及癩瘡浮萍四兩當歸川芎赤芍藥荆芥穗麻黃甘艸各二錢右剉分作二貼

入蔥白三莖豆豉六十

箇同煎服出汗醫鑑

### 洗藥

治疥癬瘙痒生瘡細辛荆芥白芷川芎黃芩防風地骨皮甘艸各等分右麤末每取二兩水一

大椀煎十餘沸乘溫淋湯患處名曰八仙散

○何首烏陳艾等分濃煎浸洗治遍身疥癬本州

○冬瓜藤煎湯浸洗亦佳  
○溫泉浴最妙

單方 凡十  
二種

硫黃 生用治疥癬及惡瘡嗅其  
臭不止可愈疥瘡

雄黃 治疥癬殺蟲為  
末付之

水銀滓 研臘猪脂擦疥  
殺蟲立效

藜蘆 治疥癬作末生  
麻油調塗

羊蹄根 治疥癬爛擣和  
醋付之

槿樹皮 治頑癬加巴豆豉猫入砒  
少許為末水調付

脂麻 生取油付疥癬及  
惡瘡甚妙

東坡醫書卷之五十一

久皮鞋底 牛皮癬燒灰入輕粉少許油調付入明

田螺 煮熟取肉用酒醱炒熟食除一生瘡疥回春

臘猪脂 生礬杏仁加輕粉少許搗擦治疥癬妙

鵝鴿 治久患瘡疥食之甚良本州

蛇床子 治遍身疥癬硫黃白礬各二錢水銀淨三錢右為末薑汁調擦立效回春

鍼灸法 治瘡疥頑癬取絕骨三里間使解豁委中或鍼或灸綱目○手疥取勞宮灸大陵綱目○渾身

瘡疥取曲池合谷三里絕骨行間委中綱目○治癬八月八日日出時令患人正當東向戶長跪舉

兩手持戶兩邊取肩頭小垂際骨解宛宛中左右兩火俱下灸七壯七日愈賁生○一女子兩股間

溼癬下至膝痒痛流黃水百藥不效戴人以鍼當痒時刺百餘處血出盡煎鹽湯洗之四次方除蓋

4

溼淫於血不可  
不鍼也子和

# 癩頭瘡

頭上生瘡如癩防風通聖散方見風門為末酒  
浸焙三次食後白湯調服日三丹心○鹽湯溫

洗一上散方見上付之久久不愈者神效丹心○頭

瘡宜服酒歸飲外用雄黃水銀等分為末臘猪脂

半生半熟調付之溼爛者燕窠土黃柏為末乾糝

入門○白禿頭瘡宜神應膏醫鑑○頭面瘡蜜陀

僧硫黃各二錢輕粉少許右為末猪脂調付丹心

○又方臘月馬脂油塗擦極妙丹心○又方松皮

灰五錢黃丹白膠香各二錢半枯白礬大黃黃柏

各一錢三分右為末熱油調付丹心○小兒癩頭

瘡松脂一兩懸龍尾黃丹各二錢白芷五錢松樹

皮水銀雄黃白礬各二錢右為末另用香油入亂

髮煎爛調勻付之丹心○又方爛木耳為末蜜調

付○又炭燒紅淬長流水令熱洗之○又胡荽子

伏龍肝懸龍尾黃連白礬為末油調付連床散如

聖黑膏亦佳丹心○又兔絲子或蒺藜子煎湯洗

之本州

### 酒歸飲

治頭瘡酒當歸白朮各一錢半酒芩酒芍藥川芎陳皮各一錢酒天麻蒼朮蒼耳各七分半酒黃柏酒甘艸各四分防風三分右剉作一點水煎日三服服後穩睡片時入門

### 神應膏

治白禿頭瘡羊糞燒存性為末用雁油調塗一二次即愈 醫鑑

### 連床散

治小兒癩頭瘡及身上諸瘡黃連五錢蛇床子五倍子各二錢半輕粉少許右為末荆芥湯洗後油調付丹心

### 如聖黑膏

治小兒白禿頭瘡豆豉半升艸龍膽蕪荑各二錢半右燒存性為末香油半斤熬至四兩下藥調勻付之神效得效

### 人面瘡

多生膝上亦有臂上生者古書云冤業所生須清心悔過內服十六味流氣飲方見癰疽久者



大苦參丸腎氣丸

方見虛勞

外用貝母為末付之

著痂而愈

入門

○人身有瘡如人面面目口鼻皆

其昔有一人左膊上生瘡以物食之皆能食灌以

酒則面亦赤色醫者教以歷試諸藥皆無苦至貝

母其瘡乃聚眉閉口其人喜曰可治即取貝

母末和水灌入口中數日成痂而愈

本事

### 大苦參丸

治人面瘡及臙瘡苦參二兩防風荆芥白

皂角蔓荊子赤茯苓山藥白茯苓黃芩羌活白附

子各五錢艸烏炮一錢半右為末水煮麪糊和丸

梧子大每服五七十丸空心

酒下不飲酒以茶代

入門

### 陰蝕瘡

夫陰瘡大槩有三等一日溼陰瘡二日妒精瘡

三日陰蝕瘡亦曰下疳瘡也○溼陰瘡者由腎

虛風溼邪氣乘之瘙痒成瘡浸淫汁出狀如疥癬

○妒精瘡者由壯年久曠房室思色動慾以致敗

精流入莖內陰上生瘡赤腫潰爛作日痛痒妨悶

○陰蝕瘡者由熱結下焦經絡澀滯或婦人子宮

有敗精停畱或月水未斷與之交合房勞後又不

洗浴邪穢雷滯遂令陰莖連辜丸腫痛小便如淋

經久潰爛侵蝕肌肉膿血不止遂成下疳瘡久不

愈則必成楊梅瘡宜服仙遺糧湯方見上預防之

寒熱尿澀宜八正散方見小便溼熱甚則腫痛尿

澀莖中痒痛或出白津宜龍膽瀉肝湯方見前陰

腫潰後八物湯方見虛勞加柴胡梔子知母久服

入門○下疳瘡日久不愈或成便毒或損爛陽物

多致危篤俗云疳瘡未已便毒復來生也醫鑑○

陰頭腫痛生瘡名為下疳乃督任衝三脉之會其

瘡一生則便毒厲風瘡次第而來先宜升麻葛根

湯方見寒門發出繼服涼血解毒丸即愈不必服

輕粉毒藥醫鑑○如精瘡初發在陰頭如粟拂之

即痛甚出清膿作白孔蝕之大痛婦人有生於玉

門內正似疳蝕瘡但不痛為異醫鑑○治法以大

豆甘艸湯漬之洗毒散煎湯浴之磨鼠膏溫潤之

散涼血解毒丸同春

涼血解毒丸

治下疳瘡苦參四兩黃連二兩連翹一兩半大黃一兩二錢半惡實生乾地黃

白芷各一兩防風石膏各五錢右為末荆芥煎湯打糊和丸梧子大空心溫水下百丸

回春

消疳敗毒散

專治下疳瘡柴胡一錢半黃芩赤芍藥赤茯苓木通艸龍膽各九分連翹荆芥

黃連蒼朮知母各七分防風獨活各六分甘艸三分右剉作一點燈心一團水煎服

回春

洗瘡藥

凡下部諸瘡常須藥湯淋洗以去膿汁惡水宜洗疳湯大豆甘艸湯洗毒散洗下疳方

諸方

洗疳湯

治下疳瘡川練子黃連瓦松川椒蔥根艾葉右等分煎水以青布蘸洗立效

醫鑑

大豆甘艸湯

治陰蝕下疳瘡甘艸一兩赤皮蔥三莖黑豆一合槐條一握右濃煎取清候溫

浸浴日二精義

洗毒散

治陰蝕瘡及諸般惡瘡蛇床子地骨皮大薊麻黃荆芥防風枯白礬各三錢蔥白三莖煎

湯溫洗  
丹心

### 洗下疳瘡方

黃柏黃連當歸白芷獨活防風朴硝荊芥各三錢入銅錢五十文烏梅五箇鹽

一匙同煎取湯日洗四

五次乃付糝藥入門

### 糝付藥

藥水淋洗後乃用糝付之藥宜柏蛤散津調散  
鳳衣散早螺散截疳散  
方見上珍珠散磨風膏

或糝或付諸方

### 柏蛤散

治下疳溼瘡黃柏以磁鋒刮取末蛤粉右末等分糝上即愈蓋黃柏去熱蛤粉燥溼也入

### 津調散

治妒癩瘡黃連欸冬花等分右為末先以地骨皮蛇床子煎水洗拭乾乃津調付入門

### 鳳衣散

治下疳瘡鳳衣煨即雞抱卵殼黃丹各一錢輕粉片腦各少許右為末乾糝或鴨子清

調付入門

**早螺散** 治同上白田螺殼煨入腦麝輕粉各少許右為末香油調搽入門。治如精瘡溪港中陳

久設為

妙得效

**珍珠散**

治下疳瘡黃連黃柏乳香沒藥孩兒茶輕粉鉛粉五倍子炒真珠象牙各等分為末以米

泔洗後糝

上醫鑑

**磨風膏**

治陰蝕瘡蛇床子五錢大風子十四箇杏仁二十箇枯白礬樟腦各二錢川椒輕粉水銀

各三錢雄黃一錢半銀硃一錢右為末生麻

油和丸彈子大每用少許呵洋遍擦之入門

**一方**

治下疳瘡并玉莖蝕了盡用此藥也長出來如初尺小元管耳黑鉛五錢化開投汞二錢半研

不見星入寒水石三錢半輕粉二錢半鵬砂一錢

右為極細末先以蔥艾柳煎水洗患處乾糝之亦

治舌被人咬斷

有效如神 同春

又方

治年少陽道與強當泄不泄不泄強泄脹斷嫩皮初如鍼眼畏疼不敢泄刮日久連莖潰爛痛

楚日甚用荊芥黃柏甘艸生蔥地骨皮煎水洗去膿靨以訶子燒灰入麝香少許乾糝患處仍斷房

事臨睡喫冷水勿令陽道興起

脹斷瘡靨靨堅自安矣得效

又方

莖頭三五孔小漏瘡出血微膿油髮灰津唾調付仍米飲調服一錢甚妙直指○外腎疳瘡雞

卵殼黃連輕粉為末香油調塗得效○妒精瘡陰

蝕瘡油髮青黛麝香少許右為末或糝或津唾調

付精義○陰莖上生瘡取月經布燒灰蜜調塗即

愈入門○下疳瘡蝸牛焙乾枯白礬為末溼則乾

糝或油調

付回春

不治證

下疳瘡重者心中疔痛悶絕虛煩甚者不治入門

賺瘡

生於兩腳腫爛臭穢步履艱辛此瘡生於賺骨為重以其骨上肉少皮薄故難愈治法當先取蟲然

後外貼膏藥內服蠟礬丸方見癰疽之類須翹足

端坐勿多行履庶可全愈醫鑑○廉瘡生兩廉上

初起焮腫作痛三陰虛也宜八物湯方見虛勞若

患處黑黯惡寒少食屬肝腎虛宜八味丸方見虛

勞久不愈者大苦參丸方見上○入門○外廉瘡

先以蔥湯洗次貼龍骨膏或馬齒膏溼熱者窰土

膏○內廉瘡先以鹽湯洗次貼蠟礬紙○內外通

用爐灰膏方見雜方點去瘀肉後貼黃蠟膏入門

○廉瘡及腳膝生瘡局方虛損門黃芪丸方見虛

勞服之即愈海藏○內外廉瘡宜粉麝散神捷膏

馬齒膏翠玉膏白膠香散貼藥

三方鍼法洗法取蟲法諸方

### 龍骨膏

治外廉瘡龍骨乳香沒藥蜜陀僧各二錢海

螺蛸一錢半皂角子五箇燒存性右為不用

綿紙兩重以鍼掉亂孔香油調藥

夾內縛貼瘡上隔日翻貼之入門

### 馬齒膏

治廉瘡馬齒莧煎取汁一釜入黃臘五兩再熬成膏塗之入門

# 窰土膏

治外廉瘡久年窰竈土或竈心黃土黃柏赤

石脂黃丹各五錢輕粉乳香沒藥各一錢右

為末香油調成膏先以茶清洗後油紙攤藥貼之

以巾縛定縱痒不可忍直待結痂去之未愈再貼

入門 ○竈心土以燥溼清熱黃柏之辛以散

火邪乳香沒藥以散瘀血可謂十全矣 丹心

# 蠟礬紙

治內廉瘡神效綿紙疊十二重看瘡大小剪

成方片以紙燃釘住另用麻油二兩入川椒

四十九粒慢火熬黑去渣入槐枝四十九寸煎枯

黑去渣入黃蠟一兩枯礬一錢輕粉二分俟溶化

即入前紙令油滲透勿令焦黃取起貼時先以藥

水洗拭用紙齊沓貼上以巾緊縛周時取下近瘡

紙一重候紙取盡

則瘡全愈 入門

# 黃蠟膏

治內外廉瘡香油一兩入油髮如梅大熬消

化入白膠香三錢黃蠟一兩溶化入龍骨赤

石脂血竭末各三錢攪勻候冷盛磁器每用程仟

薄片貼瘡上絹帛縛定三日後翻過貼之 入門



粉麝散

治外賺瘡臭爛數十年不愈生龜殼一箇醋一椀塗炙醋盡為度火煨放冷右為末入輕

粉麝香各一錢和勻先以蔥湯洗後塗上得效

神捷膏

治內外賺瘡久年不愈清油半斤先煎入黃蠟一兩松脂五錢熬至成珠候冷入乳香沒

藥輕粉血竭孩兒茶枯白礬龍骨煨各三錢川椒四錢右為末攪勻收貯先以藥水洗淨用油紙以

鍼刺孔攤藥貼瘡上一日換三次二日後一日換一次每換藥必洗淨貼上醫鑑

翠玉膏

治賺瘡瀝青四兩黃蠟銅綠各五錢沒藥三錢右將香油半斤同黃蠟瀝青於火上溶化

次下銅綠沒藥末旋旋攪勻成稠將藥傾冷水中看瘡大小捻作餅子貼之以帛繫定三日一易

白膠香散

治內外賺瘡白膠香赤石脂枯白礬各五錢黃丹乳香沒藥輕粉各二錢右為末乾

參或油調付入門

單方 凡六種

黃蠟 一兩猪膽一箇輕粉二錢右熔化  
和勻攤油紙上貼之治廉瘡 丹心

白膠香 治同上黃柏軟石膏各一兩青黛五錢龍骨一錢右為末香油調付 丹心

羯羊屎 治同上燒存性五錢石膏二錢半赤石脂一錢二分右為末香油調付以巾包定除根 丹心

鹿角灰 冷廉瘡油髮灰乳香為末清油調付 得效

砂糖屑 廉瘡成日久不乾津調塗 付日二次三日愈 得效

紅絹 治同上蠶空蠶並燒灰胡粉各三分真珠煨二分枯礬髮灰白麪各一分右為末黃蠟二兩熔

化調勻貼之神效 回春

鍼法 廉瘡色紫黑先以三稜鍼刺去惡血冷水洗淨乃貼膏藥忌日光火氣陽氣如有黑腫未盡可再出

血以紫黑血  
盡為度綱目

### 熏洗方

治廉瘡臭爛先以海桐皮石櫚皮煎湯洗後  
牛蒡子半兩研為末燒熏之無海桐皮則地

骨皮代之得效 ○ 槐枝蔥白川椒煎湯

或茶清淋洗搥乾後乃貼膏藥得效

### 取蟲方

又廉瘡宜取蟲生鱗魚數條以清油塗腹下  
置瘡上盤底以帛繫定少頃覺痒不可忍然

後取視腹下有小竅皆蟲也未盡再付卻用成人

脚脛骨燒灰油調付得效 ○ 久廉瘡蠹魚腸以五

味火上炙貼蟲

出即去之本州

### 腎臟風瘡

初起兩足時熱脚跟作痛多於肉脛或膝上  
生瘡如癬漸大失治則延及脛股遍身者有

之以腎氣丸方見虛勞為主佐以四生散方見

門黃芪丸方見虛勞外有白膠香散方見上○四

生散末每取二錢入猪腎內煨熟空心鹽湯嚼下

尤妙入門 ○ 血風瘡與腎瘡風瘡相類乃三陰經

風熱鬱火血燥所致瘙痒不常膿水淋漓潮熱盜

汗空四物湯方見血門加浮萍黃芩或常歸赤痛

湯方見足部外治磨風膏方見上大馬齒膏塗之

入門 ○下疔瘡亦與腎藏風瘡相類生於脚脛或

打撲而成其瘡口狹皮內極開皮癢如竹膜極痒

痛黃水淋漓積年不愈又染易他人患者須忌房

室取韭菜地地龍糞為末入輕粉清油調付或白

犬血塗之又付檳榔散入門 ○腎藏風室服活血

驅風散外用

雞心散得效

### 大馬齒膏

治兩足血風瘡馬齒竟焙乾五錢黃丹黃

桐油或麻油調勻攤油紙上先以

藥木淋洗乾後乃貼之入門

### 檳榔散

治足上生瘡潰爛臭穢全蝕七箇斑貓十四

筒巴豆肉十四粒檳榔一箇香油一兩半在

慢火煎先入蠟次入猫次入豆次入檳見豆黑色

入蠟一兩候燂去滓只取蠟油入黃栢炙蛇床子

各二錢雄黃硫黃丹海螵蛸各一錢白膠香黃  
連杏仁輕粉各半錢右為末入蠟油中調勻藥水  
洗瘡付之  
立效得效

### 活血驅風散

治腎藏風瘡痒痛此由肝腎虛為風溼  
所侵也蒼朮炒杜仲薑汁炒肉桂天麻

薏苡仁橘紅檳榔厚朴枳殼各六分當歸川芎白  
芷細辛白蒺藜炒桃仁白芍藥半夏五靈脂甘艸  
各五分右剉作一貼薑五片棗二枚  
同煎入乳香末少許空心服得效

### 雞心散

治腎藏風發瘡疥雞心檳榔二箇破開以黃  
丹三錢合在內溼紙裹煨全蝎六箇硫黃四

錢入輕粉青黛各半錢麝香少許右和勻磁器收  
貯每用少許清油調抹兩掌掩外腎女掩兩乳各  
睡至醒次日又  
用之經驗得效

### 單方

凡一  
種

# 石榴根皮

脚肚上生瘡漸大爬搔不已痒不可忍煮取濃汁稍冷拂瘡上冷如冰雪即成痂

# 浸淫瘡

初生甚小先痒後痛汁出浸淫溼爛肌肉延至遍身用苦楝根燒存性為末猪脂調付壓則乾

參先用苦參大腹皮煎湯洗之入門。浸淫瘡從口流向四肢者可治從四肢流來入口者不可治

仲景。小兒浸淫瘡宜用苦瓠散。綱目。小兒浸淫瘡

# 苦瓠散

苦瓠二兩蛇蛻燒灰蜂房微炒各五錢桑上塵一合右為末油調攤帛貼之。綱目。

# 單方

凡五種

# 胡麻

卒得浸淫瘡不早治周身則殺人生爛嚼付之。本州。

# 小蘗

已下四種治皆同上爛擣新水調付乾則易。本州。

# 楮米

熬黃杵末水調付之。本州。

雞冠熱血付之本州

燕窠土水飛付之本州

凍瘡冬月凍傷成瘡流水俗呼為凍瘡宜用生附散白

藥散如神散臘厚膏諸方凍耳瘡爛其母末末

糝之入門足凍爛生瘡黃丹猪脂調付得效

足跟凍瘡潰破以蔥椒煎湯洗刮去腐肉鍼刺出

血馬勃末調牛骨髓付之綱目凍瘡雄雞雞腦

一枚人黃蠟等分清油減半熬膏塗之入門五

倍子煎湯洗後取兔腦髓雀腦髓付之本州

生附散治凍瘡爛痛生附子為末麩水調付之綱目

白薇散治凍耳成瘡黃柏白薇各五錢右為末鹽湯洗後油調付之得效

如神散治凍瘡皮爛不可忍大黃細末新水調塗瘡上痛止立效綱目

# 臘享膏

治凍瘡猪脂猪油各二兩半香油二合半海  
松子油一合松脂黃蠟各三兩七錢半右各

煉去滓和合成膏先以藥水洗後塗之

俗方

# 湯火瘡

凡湯火燒傷初時強忍痛急向火炙強忍一時  
即不痛慎勿以冷物搨之使熱毒不出免爛人

筋骨用寒木石三兩半黃柏黃連黃芩梔子大黃

赤石脂各五錢片腦少許右為末鴨子清調付酒

調亦可入門。湯火瘡宜赤石脂散保生救苦散

黃柏散冰霜散四黃散諸方。火燒以好酒洗之

以鹽付上。皮脫者酒熬牛皮膠付之。湯傷者

以淋過第二次灰洋付之。熱酒傷者糯米粉炒

黑末酒調付之。丹心。湯火

燒瘡入黃當歸油調付。丹心

# 赤石脂散

治湯火傷瘡赤石脂寒水石大黃  
各等分右為末新水調塗之。丹心

# 保生救苦散

治湯火熱油所傷爛痛寒水石大黃黃  
柏各等分右為末生麻油調塗或乾糝



### 黃柏散

治同上雞子殼黃柏朴硝大黃寒水石各等分右為末新水調塗之得效

### 冰霜散

治湯火熱油所傷皮爛肉痛寒水石朴硝膏黛牡蠣煨各五錢輕粉半錢右為末新水或

油調塗

之丹心

### 四黃散

治同上大黃黃芩黃連黃柏白芩各等分右為末新水調塗之丹心

### 單方

凡八種

### 黃蜀葵花

湯火瘡為末油調付妙或滴水研爛付亦佳正傳

### 桑葉

已下至生白礬治皆同上取經霜者焙為末香油調付正傳

### 側柏葉

搗爛如泥冷水調塗以帛繫定二三日愈本艸

生梨 切片貼之 爛止痛 本州

生胡麻 爛搗如泥 付之本州

生白礬 為末香油 調塗 醫鑑

白蜜 湯火傷及熱油傷塗之 竹中白 膜貼之 一痛立止 即愈 本州

醋泥 治同上 付之無痕豆 醬汁付之妙 本州

翻花瘡 翻出一肉突如菌或如蛇形長數寸 雄黃為末 付之內服十全大補湯或八物湯 三方 並見虛

勞 倍參芪歸朮外用 藜蘆為末 猪脂調塗 日一易 候元氣漸復 腫毒將盡 時塗之 則勞肉自入 否則

雖入復出 若誤用 鍼刀 蝕灸 必危 慎之 入門 甲 品 錠子 專治 翻花瘡 入門 一名 綿花瘡 一名 廣

東 蒼川 芎 天花 粉 各 五 錢 輕 粉 二 錢 半 朱 砂 雄 黃 各 一 錢 二 分 半 麝 香 五 分 右 為 末 蒸 餅 和 丸 其 豆

大每服七丸至九丸  
溫酒下正傳

### 中品錠子

專治翻花瘡及癭癩白瘡三兩八錢半乳香沒藥各五錢半朱砂三錢牛黃七分半礬砂五分熟五分生硃礬一兩半火煨黑烟止用淡青烟右為末麪糊和勻捻作錠子量瘡捕入門入

### 單方

凡二種

### 馬齒莧

治翻花瘡燒灰猪脂調付本州

### 柳枝葉

治同上濃煎作膏塗之本州

### 漆瘡

人有惡漆者因見漆中毒生瘡面痒而腫遍身本州痛生蟹取黃塗之得效○石蟹取汁頻塗之本州

○臘茶末油調付柳枝葉煎湯洗入門○苾菖湯浸冷洗之千金○鐵漿頻洗即差本州○井中苔

擣付之本州○川椒煎湯洗之即愈本州○生薑真汁付之亦可丹心○雞子黃塗之本州○韭葉

研付之本州。○紫蘇

葉禱爛擦之綱目

### 軟癬

瘰癧小癬也世謂之熱癬大如酸棗或如豆色赤而內有膿血也綱目。○宜用猪頭散三物散大黃膏

○雞抱卵殼堯灰入輕粉少許油調付之得效。○

大枳殼一枚去瓢磨令日平以稠麪糊塗四層覆

貼癬上自破膿

出甚妙得效

### 猪頭散

治軟癬愈而復作野蜂房二三箇燒為末另用巴豆肉三七粒清油煎三沸去豆取油調

蜂房末付之立效。○又枯白礬末油調付亦效

此方療病有效人以猪頭為謝故名之得效

### 三物散

治鬢邊生軟癬名發鬢有數年不愈用此極妙猪頭上毛猫頭上毛各燒存性各一撮風

屎一枚右為末加輕粉

少許清油調付得效

### 大黃膏

治軟癬大黃黃柏當歸各等分石為末以生地黃汁調塗之俗方

有名無名諸惡瘡

蒲萄瘡天行斑瘡月蝕瘡內疳瘡痛瘡走皮癩瘡白蛇纏瘡魚目瘡熱毒瘡

瘡火斑瘡此皆有各瘡也。此外皆無名諸惡瘡也。又有洗瘡法殺蟲法生肌法諸瘡中風水作

痛法

蒲萄瘡

瘡頭如蒲萄色四圍腫起先追膿盡次用冰梅菴之神愈

綱目

天行斑瘡

人身發天行斑瘡一身周匝如火瘡皆戴白漿不治則數日必死差後瘡癩疔一歲

方滅此惡毒之氣所為取好蜜煎升麻數數洗拭塗之。本州。又煮葵菜葉以蒜蠶啖之數日即止

綱目

月蝕瘡

小兒多有之生耳後隨月盛衰胡粉炒黃枯白礬黃丹黃連輕粉各二錢乾胭脂一錢麝

香少許右為末香油調塗。入門。又黃連枯礬末付之妙。本州

# 內疳瘡

生於口上腭初發如蓮花根蒂小而下垂乃大治法以鈎刀決其根燒鐵烙以止其血次

以雄黃輕粉粉霜日芷白蘇為末付之以槐枝作枕支其牙頰間毋使口合一兩時許瘡癢定合口

自便次日日出膿庄  
肌散付之 入門

# 癩瘡

生手足間相對如新菜萹痒痛拆裂有孔如蝸久不愈杏仁乳香各三錢硫黃輕粉各一錢半

右為末麻油三錢入黃蠟五錢熔化入前藥末攪煎成膏塗之 入門

# 走皮癩瘡

生滿頰項發如豆梅蔓延兩耳流汁溼爛先用桑寄生 無則桑耳代之 桑根皮各一

握白芷黃連各少許煎湯洗之候血盡次用皂莢竹笋皮燒存性黃柏白芷藍葉等分為末清油調

塗神效 入門 ○手癩瘡皂角枯礬輕粉黃柏黃連為末敷之 入門 ○小兒胎癩頭生紅餅瘡先以艾

葉白芷大腹皮蔥白煎湯洗後  
生藍葉生艾葉入蜜搗付 入門

蛇纏瘡

身上生瘡有頭尾儼似蛇形初起宜隔蒜於頭上灸之雄黃為末醋調付之又酒調服之

入門 ○ 遍身生瘡狀如蛇頭取蠟礬丸  
方見癰疽 每服百丸大有神效 入門

魚目瘡

遍身生瘡如魚目無膿又名征虜瘡升麻剉水濃煎入蜜二三匙鵝翎蘸拭洗瘡 得效

熱毒瘡

遍身生熱毒瘡痛而不痒粘著衣被夜不得睡菖蒲作末厚布席上恣臥其間不五七日

其瘡如失應手神驗 本州  
宜用紫艸膏葵花散 諸方

火斑瘡

人常近火則多生火斑瘡出汗痛痒黃柏薄荷葉為末糝之即安或煎湯洗亦佳 得效

諸般惡瘡

諸般遍身瘡及惡瘡出膿血痛痒宜涼血飲又平血飲合人參敗毒散 方見寒門 連

翹飲疎風解毒散合掌散松脂貼散二黃膏貝母膏金華散爐灰膏青金錠子一掃光生肌散黃蠟膏洗藥方殺蟲方生肌方  
諸瘡中風水方單方 諸方

紫州膏

治熱毒瘡紫州茸黃柏黃連漏蘆各五錢赤小豆末菜豆粉各一合右為末猪脂或清油

調日三  
付直指

葵花散

治一切熱瘡鬱金黃連黃柏梔子葵花各等分右為末冷水調膏貼之神效  
得效

涼血飲

治血熱生瘡赤芍藥黃芩川芎荆芥生芎麥門冬天花粉甘艸各一錢右剉作一貼入燈

心十莖竹葉十片煎服得效

平血飲

治諸瘡遍身出膿血痛痒即升麻葛根湯方見寒門加天麻蟬殼也右剉與人參敗毒散

合和加生薑薄荷生地黃麥門冬煎服得效

連翹飲

治惡瘡遍身痛痒及血風瘡連翹赤芍藥當歸荆芥防風惡實川芎梔子黃芩瞿麥木通

生乾地黃瓜萋根麥門冬甘艸各七分右剉作一貼入燈心一塊水煎服得效



# 疎風解毒散

治遍身瘡痒痛白芷細辛蒺藜子炒麻黃檳榔當歸鬚生乾地黃川芎赤芍藥

獨活白牽牛微炒桑白皮炒蒼朮炒枳殼甘艸炙各七分右剉作一貼入黑豆七十粒紫蘇五葉生

薑五片同煎服直指

# 合掌散

治遍身生瘡百藥不效檳榔五箇為末硫黃生研五錢輕粉半錢右為末每一錢安手掌

內油調夜臥時塗外腎不得洗手但擦手令乾一二日即愈得效

# 松脂貼散

治一切惡瘡及無名瘡黃柏黃連松脂明者膩粉土蜂巢以泥做者甘州各一錢右

為末另取水銀一錢放在掌心以唾擦為泥入磁器中和藥末及清油令如稀錫先以藥水洗瘡拭

乾塗之即愈治疥尤妙得效

# 二黃膏

治一切惡瘡清油三兩煎巴豆肉二十粒微黑色去豆入黃蠟一兩熔化又入硫黃雄黃

末各一錢和勻成膏以藥水洗  
瘡後擦付二三次神效得效

### 貝母膏

治諸惡瘡貝母三錢半半夏生用南星生用  
五倍子白芷黃柏苦參各二錢半黃丹一錢

半雄黃一錢右為末

水調付或乾糝直指

### 金華散

治一切溼熱惡瘡亦療小兒黃丹一兩黃柏  
黃連各五錢輕粉一錢右為末藥水洗後糝

之貼之  
丹心

### 爐灰膏

治一切惡瘡除去瘀  
肉最妙方見雜方

### 青金錠子

治諸惡瘡膿出不快及多年疔癩瘡白丁  
香銅綠礪砂粉霜輕粉各五分麝香龍腦

各一字右為末麪糊和燃作錠子  
維入瘡口中或糝付亦可精義

### 一掃光

治小兒頭瘡及多虱子瘙痒成瘡膿水不止  
細茶水銀各一錢同研細牙皂川椒各二錢

右為末油調  
搽上回春

### 生肌散

治一切瘡斂口大效寒水石煨滑石各一兩  
烏賊骨龍骨各五錢蜜陀僧枯白礬乾胭脂

定粉各二錢半右為末乾糝瘡中妙精義

### 黃蠟膏

治諸瘡能生肌香油黃蠟松脂各等分  
右溶化待凝貼之加油髮灰尤妙俗方

### 洗藥方

治諸般惡瘡黃柏茵陳荊芥蔥白藿香煎水  
淋洗為妙得效○洗諸般惡瘡毒艾葉細茶

蔥白桃枝柳枝川椒濃煎湯入鹽頻洗同春

### 殺蟲方

治惡瘡有蟲膽礬輕粉乳香各一錢硼砂雄  
黃土蜂房各二錢龍骨虎骨白礬露蜂房各

二錢半麝香五分片腦一字右為末藥水洗後付  
之神效海藏○諸瘡殺蟲檳榔五錢黃連二錢半

穿山甲五片燒灰麝香一字右為末茶清調  
塗得效○諸惡瘡有蟲須用斑猫藜蘆入門

**生肌方** 凡治惡瘡令生肌宜用生肌散翠霞散黃蠟膏三方見上。凡看瘡內肉黑色勿上生肌

散宜用消蝕之藥直待黑肉去盡方可上生肌散  
入門 ○如開瘡口用生砒去腐肉用煨砒生好肉

去砒加枯  
白礬 入門

**諸瘡中風水發腫痛** 凡瘡瘍未合風入為破傷風溼入為破傷溼二者害人最急宜

慎之 三四 ○諸瘡入皂角水及惡水熱痛不止皂

角子燒存性研二錢半砂糖末五錢和勻如膏貼  
瘡上 本州 ○諸瘡中風水疼腫鱧魚目燒灰研付

汁出即愈諸魚目並得 本州 ○又方川椒一升和  
麩作餅灰火煨熟斷開口封合瘡上冷則易出水

即差 本州 ○又方桑柴灰淋汁漬之冷復易 本州  
○又方蔥白連鬚煮湯洗之或連莖葉煨研罾付

本州 ○又方薤白搗爛火炙令熱付瘡上以帛裹  
定冷則易出

本州 禾即差 本州

單方

凡十四種

生胡麻油

治惡瘡及諸瘡塗之  
妙生麻油亦可  
本州

馬齒莧

治同上爛擣付上便愈  
本州  
○一婦人臍下

百治不差有人教先以溫水洗拭取馬齒莧四兩  
青黛一兩同研勻付瘡上乾則易新者仍服八正  
散方見小便二

十日全愈  
本州

熊膽汁

治同上塗之妙  
犬膽亦可  
本州

蟾蜍

燒灰油調付諸  
惡瘡甚妙  
本州

蛇蛻皮

久遠惡瘡不差燒  
灰豬脂調付  
本州

朝生暮落花

一名鬼蓋  
即朝生菌也  
生糞穢處如菌作未和  
油塗惡瘡甚佳牛糞上黑菌尤佳  
本州

蜣螂

一切惡瘡取十枚端午日收乾作末油調付本艸

臘豬脂

療惡瘡和雄黃輕粉付之妙  
正傳

鼯鼠膏

主惡瘡塗之妙  
本艸

芭蕉葉

治同上取經霜者為末香油調付丹心

石灰

淋取汁溫洗惡瘡妙  
本艸

雄黃

治惡瘡為第一本艸

硫黃

功效同上本艸

貝母

諸惡瘡末人雄黃少許糝之本艸

訂正東醫寶鑑雜病篇卷之八

東醫寶鑑卷之八

六十六